


কর্টামুণ্ডের দেশে

শ্রীসত্যচরণ চক্রবর্তী



*If you want to download
a lot of ebook,
click the below link*



**Get *More*
Free
eBook**

**VISIT
WEBSITE**

www.bengaliboi.com

click here





শিশু-সাহিত্যের সর্বজন-পরিচিত
প্রবীণ লেখক
শ্রীমত্যাচরণ চক্রবর্তী

এস. গুপ্ত এণ্ড সন্স

৪।১ স্ক্রীকিয়া ষ্ট্রীট
শিশু-সাহিত্য পরিষদ হইতে
শ্রীসনিলকুমার দাশগুপ্ত কর্তৃক প্রকাশিত


আশ্বিন--১৩৪৩
দাম ছয় আনা

“ভারত ফটোটাইপ ষ্টুডিও”
কর্তৃক এই পুস্তকের
সাবজীর্ণ রূপ এবং রঙিন রূপগুলি
প্রস্তুত ও মুদ্রিত হইয়াছে

প্রিন্টার—শ্রীজ্যোতিষ্ময় ভৌমিক
জুবিলী প্রেস
১৪ বৃন্দাবন মল্লিক ফাউন্ডেশন
কলিকাতা



“পুতুলের মতে: কালিয়ে তুলে নিলে”



এক

পাহাড়-বনে ভরা সাঁওতাল পরগণার ছোট এক সহরে থাকতো এক তাঁতি—বেচারা বড় গরীব। সংসারে তার আপনার জন কেউ ছিল না। হাটের ধারে ছোট একখানি কুঁড়ে ঘরে বসে গাম্ছা বুনতো, আর সেখানকার গরীব গেরস্ত যারা, তারা, কম পয়সায় গাম্ছা কিনতো তারই কাছ থেকে। তাতেই একলা মানুষের বেশ চলে যেতো।

একদিন হাটবারে তাঁতি গাম্ছা বুনছে তার দোকানে বসে, এমন সময় এক মেঠাইওয়াল এসে হাঁকলে—“নতুন মেঠাই—নতুন মেঠাই—বর্দ্ধমানের সীতাভোগ—চা—ই—ই—?”

তাঁতি আর লোভ সামলাতে পারলে না, একপো, সীতাভোগ কিনে রাখলে পাশে, ভাবলে হাতের কাজটা শেষ করে থাকে।

কাটামুণ্ডের দেশে

কিন্তু যেমন না মেঠাই নিয়ে রাখা, অমনি বড়-বড় মাছির ঝাঁক ছুটে এলো ভন্-ভন্ করে। তাঁতি এক হাত নেড়ে এক একবার তীক্ষ্ণভাবে লাগলো, আর তাড়াতাড়ি সারতে লাগলো তার কাজ।

কিন্তু মাছি কি যায় তাড়ানো? যেমন হাতখানা নড়ে অমনি যায় উড়ে, আবার পরক্ষণেই দুগুণ ফুর্তিতে এসে ঘেরে বিষম জোরে ভন্-ভন্ করে। শেষে ঝাঁকে ঝাঁকে মাছি এসে জায়গাটাকে ভরিয়ে দিলে, জোর ভন্ভনানিতে কাণ পাতা যায় না। তাঁতি বুদ্ধি করে একখানা টাটকা মাড়ু-দেওয়া গামছা ঢাকা দিলে।

তাতে হলো হিতে—বিপরীত! একে সীতাভোগের গন্ধ, তার ওপর টাটকা মাড়ু—আর কি রক্ষা থাকে? দেখতে-দেখতে—কাদা-লেপার মতো—মাছিতে গামছাখানা যেন লেপে দিলে!

তাঁতি আর থাকতে পারলে না, হাতের কাজ ফেলে রেখে বিষম রেগে মারলে তার ওপরে এক চাপড়। মাছির ঝাঁক ভন্ভনিয়ে উড়ে ছড়িয়ে পড়লো ঘর-বহির্ভূত। কেবল দশটা মাছি মরে পড়ে রইলো গামছার ওপরে। তাঁতি এক-এক করে গুণে পাশাপাশি তাদের সাজিয়ে রেখে, তাড়াতাড়ি হাত-মুখ ধুয়ে এসে সেইদিকে চেয়ে খাবার খেতে বসলো।

হঠাৎ তার মাথায় এক বুদ্ধি এলো। মাছির জ্বালায়,

সেখানকার সবাই জালাতন, কিন্তু কেউ কোন উপায় করতে পারে না। সে যখন এক চাপড়ে দশটা মাছি মেরেছে, তখন, সে কথা দেশের লোককে জানাতে পারলে, লোকের কাছে তার নাম হবে খুব, সঙ্গে-সঙ্গে তার কারবারও যে না বাড়বে, তাইবা কে বলবে? কিন্তু সে কথা সবাইকে জানায় কেমন করে?


ভাবতে-ভাবতে এক উপায় বা'র হলো। একখানা শাদা গামছাকে লুম্বা-লম্বি ছিঁড়ে দু'খানা করে, তার ওপরে লাল রং দিয়ে বড়-বড় হুরপে লিখিয়ে আনলে—‘এক চাপড়ে দশ সাবাড়’। তারপরে সেই লেখা দুটো সেলাই করিয়ে এঁটে নিলে তার কোর্তার বুকে-পিঠে দু'দিকে। পরের দিন ভোরে উঠে, সেই কোর্তা গায়ে দিয়ে, দোকানে তালা বন্ধ করে, বেবিয়ে পড়লো বড় সহরের পথে।

দুই

সূতো। কেনবার জন্মে তাঁতিকে মাঝে-মাঝে যেতে হতো বড় সহরে, সেই জন্মে তাকে চিন্তো অনেক দোকানদার। তার তার বীরত্বের কথা শুনে 'বাহবা' দিয়ে, দিলে আয়ো ক্ষেপিয়ে! তাঁতি তখন সারা জেলায় নিজের নাম ডাহির করবার জন্মে ফুরতি করে সেখান থেকে বরাবর এগিয়ে চললো। পথে খাবার জন্মে বন্ধু-দোকানীদের জিজ্ঞাসা করে সঙ্গে নিলে— বীরের খোরাক—রুটী আর কাগজ-মোড়া দুটো, লম্বা-লম্বা মাখম।

সহরের পরেই শুরু হলো পাহাড়-জঙ্গলের পথ। রোদে হয়রাণ হয়ে একটা ঝোপের আড়ালে তাঁতি একটু জিরোতে বসলো। এদিক-ওদিক চাইতে-চাইতে তার নজরে পড়লো একটা গাছের ডালে ঝুলছে, লম্বা ঝুলন্তে, একটা 'ছুগ্গো-টুনটুনির' বাসা। আর কি থাকতে পারে? তাড়াতাড়ি উঠে পা-টিপে-টিপে গিয়ে দেখলে, একটা ছোট টুনটুনি ডিমে বসে তা দিচ্ছে। তাঁতি পাখীটাকে ধরে কোষ্ঠার এক পকেটে পুরে নিয়ে বরাবর চললো এগিয়ে।

ক্ৰোশখানেক পথ যাবার পরে তাঁতি দেখতে পেল, বনের ভেতরে একটা ছোট পাহাড়ের ওপরে বসে—বিরাট, চেহারার প্রকাণ্ড এক দৈত্য—বুনো-মানুষ—নৌচের দিকে চেয়ে বনের চারদিকে দেখছে। দেখে কিন্তু তাঁতির ভয় হলো না মোটেই, সোজা গিয়ে ঠেলে উঠলো সেই পাহাড়ে।



দৈত্য ছোট মানুষটিকে দেখে অবাক হয়ে চেয়ে রইলো। তাঁতি হাসতে-হাসতে বললে—“নমস্কার মশাই, আপনি নৌচে চারদিকে চাইছেন দেখে, মনে হলো যে কোথাও যেতে মন করেছেন। আমিও পৃথিবীর দেশ দেখবার জন্মে বেরিয়েছি, কিন্তু সঙ্গী পাইনি, চলুন না—দু’জনে একসঙ্গে যাই?”

কাটামুণ্ডের দেশে

দৈত্য দারুণ ঘেণায় নাক সিঁটকে চাইলে তার দিকে, তারপরে বাজের মতো গর্জে ধমকে উঠলো—“থাম্ হতভাগা, একরত্তি মানুষ!”

“একরত্তি মানুষ! বটে? হা—হা—হা—একবার চেয়ে দেখো এই দিকে।” বলে, তাঁতি হাসতে-হাসতে বুক ফুলিয়ে নিজের জামার সেই লেখা দেখিয়ে দিলে।

দৈত্য আশ্চর্য হয়ে পড়লে—“এক চাপড়ে দশ সাবাড়!” ভাবলে, লোকটা এক চাপড়ে দশজন মানুষকে মেরে ফেলেছে। অমনি অনেকটা ভক্তি এলো তাঁতির ওপরে, কিন্তু সন্দেহের ভাব একেবারে গেলো না। তাই পরীক্ষা করবার জন্যে, পাশ থেকে এক টুকরো ভিজে বেলে-পাথর কুড়িয়ে নিলে, তারপর পাথরটাকে বাঁ হাতের চেটোতে রেখে ডান হাত দিয়ে এমন জোরে রগড়ে টিপতে লাগলো, যে তা থেকে ফোঁটা-কতক জল পড়লো টস্-টস্ করে। দৈত্য তাঁতিকে জিজ্ঞাসা করলে—“পার?”

“ফুঃ—এই?—এ তো কিছুই না।”

বলেই, তাঁতি পাথর কুড়োবার ছল করে হেঁট হয়ে সেই মাখম বার করে নিয়েই হাসতে-হাসতে টিপলে-টু হাতে। গরমে মাখমটা নরম হয়ে গিয়েছিলো, টিপতেই ঘি ঝরতে লাগলো টস্-টস্ করে। তাঁতি ফুরতি করে বলে উঠলো—“কেমন, তোমার চয়ে দ্বন্দ্বী জল, না?”

দৈত্যের ভক্তি বাড়লো, তবুও পুরো বিশ্বাস না করে, আবার

একটা মুড়ি তুলে নিয়ে এমন জোরে ছুড়লে ওপর দিকে যে চোক থেকে সেটা প্রায় অদৃশ্য হয়ে, শব্দ করে পড়লো মাটিতে। দৈত্য তাঁতির দিকে চেয়ে জিজ্ঞাসা করলে—“এমনি জোরে ওপর দিকে ছুড়তে পার তো বুঝি গায়ের জোর?”

—“বাহবা বটে!” বলে তাঁতি তাকে উৎসাহ দিয়ে, শেষে বললে—“কিন্তু, তোমার পাথর তো ফিরে এসে পড়লো মাটিতে, আমি এত জোরে ছুড়তে পারি যে পাথর আর ফিরে পড়বেই না।”

—“বেশ দেখাও।”

—“তবে দেখ”, বলে তাঁতি আবার—আগেকার মতো—পাথর কুড়োবার ছল করে, পকেট থেকে টুনটুনি পাখীটাকে মুটো করে নিয়েই ছুড়ে দিলে ওপরের দিকে। পাখীটা কালো দাগটুকুর মতো ওপরে উঠেই—উড়ে আকাশে মিলিয়ে গেলো।

অতি ছোট পাখীটাকে দৈত্য বুঝতেই পারলে না, ভাবলে সত্যিই ছোট। মানুষটি একটা পাথর ছুড়েছে! তার মনে ভক্তি বাড়লো খুব, তবুও—দৈত্য কি না,—সন্দেহ একেবারে গেলো না। আশ্চর্য্য ভাবে তাঁতির দিকে চেয়ে বললে—“হ্যাঁ, এবার আমার চেয়েও তের ভালো পাথর ছুড়েছ, তোমার বাহাদুরী বটে! আচ্ছা! এবার এসো, দেখা যাক কে কত ভার তুলতে পারে?”

কাছেই একটা মস্ত মোটা প্রকাণ্ড ঝাঁকড়া গাছ—ঝড়ে উপড়ে গিয়ে লম্বা—হয়ে পড়েছিলো। সেইখানে তাঁতিকে নিয়ে

কাটামুণ্ডের দেশে

গিয়ে দৈত্য আবার বল্লে—“আচ্ছা এই গাছটাকে কে কতদূর কাঁধে করে বয়ে নিয়ে যেতে পারে, দেখা যাক।”

“বংশ, তা’হলে তুমিও কাঁধে তোল। দেখ ওই মাথার দিকটা কি বিষম ঝাঁকড়া—গোড়ার দিকটার চেয়ে ঢের বেশী ভারী আর বড়, আমি ওই দিকটাই নিচ্ছি, তুমি গোড়ার দিকটা কাঁধে তুলে নিয়ে পথ দেখিয়ে এগিয়ে চল।”

তাঁতির কথায় খুশী হয়ে দৈত্য পেছন ফিরে গাছের গোড়াটা উপড়ে তুলে নিলে কাঁধে। তাঁতিও অমনি গাছের মাথার ঝাঁকড়া ডালগুলোর ভেতরে উঠে বসে বল্লে—“চল ভাই, এইবার পথ দেখিয়ে আগে-আগে।”



দৈত্য পেছন ফিরে ছিলো বলে ঢের পেলো না, তাঁতিকে সুদ্ধ

কাটামুণ্ডের দেশে

বয়ে নিয়ে হন্-হন্ করে পাহাড়-বনের ভেতর দিয়ে এগিয়ে চললো। তাঁতি মনের সুখে বসে সুর ভাঁজতে লাগলো—
তাই-রে নারে-না।

দৈত্য আশ্চর্য্য হয়ে মনে ভাবলে—ওঃ, লোকটার! কি বিষম গায়ের জোর, এতবড় প্রকাণ্ড গাছটাকে বয়ে নিয়ে যাচ্ছে, তবুও কষ্ট হচ্ছে না একটুও, মনের সুখে গান গাইছে! তারপরে আধ ক্রোশ গিয়ে আর বইতে না পেরে, ধপ্ করে ফেলে দিলে গাছটাকে। • তাঁতিও চোকের পলকে লাফিয়ে নীচে নেমে ডালে হাত দিয়ে দাঁড়ালো।

দৈত্যের গা দিয়ে ঘাম ছুটছিলো। দেখে, তাঁতি হেসে বললে “এঃ—এরই ভেতর হাঁপিয়ে প’ড়লে তাই—অত বড় বিষম পালোয়ান! তুমি! এই দেখ আমার একটুও কষ্ট কি মেহনত হয়নি—হাঃ—হাঃ—হাঃ—!”

তাঁতি মনের সুখে আবার গান জুড়ে দিলে। দৈত্যের মনে আর সন্দেহ রইলো না একটুও, ভক্তিতে মন ভরে গেলো, সরল প্রাণে বলে উঠলো—“আমরা ভাবতুম যে, পৃথিবীতে আমাদের চেয়ে গায়ের ~~জোর~~ ~~শার~~ ~~কার~~ নেই, এখন দেখছি যে আমাদের চেয়ে ~~তের~~ বেশী জোর আছে তোমার ওই একরত্তি চেহারার ভেতরে।”

আবার দু’জনে পাহাড়-বনের পথে এগিয়ে চললো। খানিক দূর যাবার পরেই তাঁতির নজরে পড়লো, প্রকাণ্ড একটা গাব গাছে

কাটামুণ্ডের দেশে

বিস্তর হল্‌দে রঙের পাকা গাব ঝুলছে । দেখেই তার জিভ দিয়ে
জল পড়তে লাগলো । ওপর দিকে হাঁ করে চেয়ে বেজায় দুঃখে
বলে উঠলো—“তোমাদের ভারি সুবিধা ভাই, ইচ্ছা হলেই উঁচু
গাছ থেকে ফল পেড়ে খেতে পার, আমার কিন্তু সে সুবিধা নেই ।”



দৈত্য তার মনের কথা বুঝে অল্প হেসে, হাত দিয়ে গাছের
মাথাটা টেনে নামিয়ে পা দিয়ে মাটিতে চেপে রইলো । তাঁনি
পাকা গাব খেতে লাগলো পেট ভোরে ।

তিন

হঠাৎ দৈত্যের মাথায় এক খেয়াল এলো। মজা দেখবার জন্যে ধাঁ করে পা-খানা নিলে সরিয়ে, অমনি তাঁতিকে স্কন্ধ নিয়ে গাছটা সোজা হয়ে উঠে গেল ওপরে। হো-হো হেসে দৈত্য বলে উঠলো—“ছি-ছি-ছি, এই তোমার জোর! গাছটাকে চেপে রাখতে পারলে না? দেখছি সব তোমার ভণ্ডামি।”

তাঁতি মনে-মনে চন্কে উঠলো, কিন্তু তখনি তা চেপে বিষম বাস্তব হয়ে বলে উঠলো—“আরে সর্বনাশ, শীগ্গির—শীগ্গির—”

—“কি শীগ্গির?”

—“শীগ্গির গাছে উঠে পড়, দেখছো না—একটা সেপাই এই দিকে তাগ করে বন্দুক ছুড়ছে? তাইতো ওপরে উঠে পড়লুম, নইলে গাছটা চেপে রাখা তো তুচ্ছ কথা। এই ম’লে! বন্দুকের নল ঠিক তোমার মাথায় সোজা—”

“বাগ্” বলেই দৈত্য বেজায় ভয়ে তার পেছায় শরীর নিয়ে হাঁচড়-পাচড় করে কোন রকমে গাছের মাঝামাঝি উঠে লম্বা দম ছাড়লে। তারই ভেতরে তাঁতি দুটো কাঁচা গাব ছিঁড়ে নীচের শাহাড়ে জোরে-জোরে আছাড় মেরে বলে উঠলো—

কাটামুণ্ডের দেশে

—“শুনলে তো আওয়াজ—দু’দুটো গুলি এসে পড়লো ঠক-ঠক করে। আর একটু হলেই গিয়েছিলে! আর বল কিনা আমার ভণ্ডামি?”

শব্দ. দুটো দৈত্যের কানে গিয়েছিলো, ভয়ে কেঁপে আমতা আমতা করে বললে—“কিছু মনে করোনা ভাই, তোমার সঙ্গে বন্ধুত্ব হয়েছে, তাই ঠাট্টা করছিলুম, রাজার সেপাইরা মাঝে-মাঝে আমাদের খোঁজ করতে এইদিকে আসে, ভাগ্যে আজ তুমি সঙ্গে ছিলে! এখন তো সন্ধ্যা হয়ে এলো, খানিক •দূরে একটা পর্বতের গুহাতে আমরা থাকি, সেখানে আমার আরো দু’কুটুম আছে। চল, রাত্তিরে সেইখানে থাকতে তোমার কোন ভয় নেই।”

তাঁতি একেবারে দু’পাটি দাঁত বা’র করে হো-হো করে হেসে বললে—“ভয়! দেখছো তো এই লেখা? ভয় আমার দুনিয়াতে কারুকে নেই, নইলে একলা বেরোতে ভরসা করি? চল-চল তোমার ঘরে যাই।”

গাছ থেকে নেমে দু’জনে খানিক দূর গিয়ে ঢুকলো একটা পর্বতের গুহার ভেতরে। তাঁতি দেখলেন—আরো দু’জন তেমনি ভয়ানক চেহারার প্রকাণ্ড দৈত্য—গুহার মাঝখানে আগুন জ্বালিয়ে বসে—এক একটা আস্ত ছাগল ঝলসে খাচ্ছে।

দৈত্য তাদের কাছে তাঁতির অসম্ভব গায়ের জোরের কথা গল্প ক’রে তার সঙ্গে আলাপ করিয়ে দিলে, তারপরে তাকে পেট ভরে

থাইয়ে, তফাতে একটা প্রকাণ্ড বিছানা দেখিয়ে দিয়ে বলে,—“ওই বিছানাতে শুয়ে ঘুমোও গিয়ে।”

বিছানাটা যেমন প্রকাণ্ড তেমনি আব্‌ড়ো-খাব্‌ড়ো—উঁচু-নীচু, দেখে, তাঁতি কিন্তু তাতে শুলো না। চুপিসাড়ে উঠে গুহার এক অন্ধকার কোণে গিয়ে একখানা চামড়া পেতে শুয়ে ঘুমিয়ে পড়লো। দৈত্য তিনজন সেই আগুনের কাছে বসেই গল্প করতে লাগলো।

কিন্তু মাঝ-রাত্রিরে একজন উঠে প্রকাণ্ড একটা মুণ্ডর নিয়ে সেই বিছানার পাশে গিয়ে দাঁড়ালো। বিছানার মাঝখানটা উঁচু দেখে ভাবলে—তাঁতিতো ঘুমোচ্ছে। আর যায় কোথায়? মুণ্ডরটা মাথার ওপর তুলে ঘুরিয়ে, বিষম জোরে-জোরে মারলে পাঁচ-সাত ঘূ। তারপরে হাস্তে-হাস্তে আগুনের কাছে ফিরে গিয়ে সেই খবর দিলে। তখন তিনজনে নিশ্চিন্তি হয়ে সেই খানেই শুয়ে ভোঁস্-ভোঁস্ করে নাক ডাকিয়ে ঘুমোতে লাগলো।

এদিকে, সকাল হতে তাঁতি ঘুম ভেঙ্গে উঠে গিয়ে আগুনের কাছে বসে খানিকটা নাংস বেছে নিয়ে সিদ্ধ করে খেতে আরম্ভ করলে। সেই শব্দে দৈত্য তিনজন জেগে ধড়মড়িয়ে উঠে, তাঁতিকে দেখেই যেন আকাশ থেকে পড়লো! কিন্তু সে ভাব চেপে রেখে আগেকার দৈত্য জিজ্ঞাসা করলে—“কি বন্ধু, রাত্রিরে কেমন ঘুমিয়েছ বল?”

তাঁতি হেসে জবাব করলে—“এমন চমৎকার ঘুম আর কখনো ঘুমোইনি, পরম আরামে রাত কেটেছে।”

দৈত্য আবার জিজ্ঞাসা করলে—“কোন কিছুর উৎপাত টের পাওনি তো?”

—“হ্যাঁ-হ্যাঁ—ঠিক, খানিক রাত্তিরে একটা বাং কি ইদুর গায়ের ওপর লাফালাফি করেছিলো বটে, কিন্তু তাতে আর আমার কি হবে বল? হাঃ—হাঃ—হাঃ—”

তাঁতির কথা শুনে দৈত্যেরা বেজায় আশ্চর্য্য হয়ে তিনজনে মুখ চাওয়া-চাওয়ি করতে লাগলো। সকলেই ভাবলে—বাবারে, না জানি কি সর্ব্বনেশে মানুষ! ভয়ে তিনজনেরই বুক ধড়াস্ ধড়াস্ করতে লাগলো। তারপরে ছুতো করে গুহা থেকে বেরিয়ে কোথায় পালালো তার আর ঠিকানা রইলো না। তাঁতিও পেট ভরে খেয়ে নিয়ে, সেখান থেকে বেরিয়ে বরাবর চললো এগিয়ে। শেষে বন পার হয়ে পড়লো গিয়ে এক রাজার রাজধানীতে।

রাজপথে নানা রকম লোক যাওয়া-আসা করছিলো। তাঁতির বুক-পিঠে সেই—‘এক চাপড়ে দশ সাবাড়’—লেখা দেখে সকলেই আশ্চর্য্য হয়ে সেই কথা বলাবলি করতে লাগলো। ক্রমে কথাটা উঠলো গিয়ে রাজার কাণে।

রাজার একটি মাত্র মেয়ে ছাড়া আর অন্য সন্তান ছিল না, তার ওপর নিজেও বুড়ো হয়ে পড়েছিলেন। সেই সুবিধা পেয়ে অন্য

কাটামুণ্ডের দেশে

জন-দুই রাজা যুদ্ধ করে—তাকে মেরে—রাজ্যটা কেড়ে নেবার চেষ্টায় ছিলেন। সেই জন্মে রাজা খুঁজছিলেন একজন খুব জবরদস্ত বীরকে—তার সৈন্যের দলে নেবার জন্মে।

খবর শুনে তাঁতিকে ডাকিয়ে নিয়ে গিয়ে, সেই লেখা পড়ে রাজা বেজায় খুসী হলেন। তখনি তাকে একেবারে প্রধান সেনাপতি করে দিয়ে, থাকবার জন্মে বাড়ী, গাড়ী, ঘোড়া, চাকর-বাকর—যা কিছু দরকার—সব কিছু ব্যবস্থা করে দিতে বাকী রাখলেন না।

চার

কিন্তু হিতে হলো বিপরীত। একজন অচেনা অজানা বিদেশী লোককে একেবারে অতবড় হতে দেখে রাজার অন্য সেনাপতিদের হলো রাগ। তারা সকলে মিলে এক জোট হয়ে কাজ ছেড়ে দিতে চাইলে।

রাজা পড়লেন বিষম ফাঁপরে। পুরানো সেনাপতিদের ছেড়ে দিতে তাঁর মন সরলো না। ওদিকে যে মহাবীর এক চাপড়ে দশ জন মানুষকে মেরে ফেলেছে, তাকে এবার কাজে ভরতি করে, আবার বিনা কারণে জবাব দিলে, সে অপমান মনে ক'রে, যদি বিদ্রোহ করে, তখন তার হাত থেকে রক্ষা করবে কে? রাজার ভাবনার অন্ত রইলো না।

অনেক ভেবে রাজা এক মতলব বার ক'রলেন। কিছু-দিন আগে থেকে দু'জন বিরাট চেহারার ভয়ংকর দৈত্য এসে তাঁর রাজধানীতে বিষম উপদ্রব করতে শুরু করেছিলো। রাজার সেনাপতিরা বারবার সৈন্য নিয়ে গিয়েও তাদের কিছুই করতে পারেনি। সেই থেকে তাদেরও অত্যাচার এমন বেড়েছিলো যে লোকে রাঙিরে ঘরের বাইরে বেরোতেও ভরসা ক'রতো না।

কাটামুণ্ডের দেশে

রাজা, তাঁতিকে ডেকে, সেই দুজন দৈত্যকে মেরে ফেলতে হুকুম ক'রে, জিজ্ঞাসা করলেন—“কেমন পারবে তো ?”

তাঁতি অগ্রাহ্য করে বললে—“কি ব'লছেন মহারাজ, এ তো অতি তুচ্ছ কথা । এক ঘুষোতেই দু-ব্যাটাকে দেব শেষ করে ।”

“এঁয়া—বল কি ?”

• “আজ্ঞে, হ্যাঁ মহারাজ, যদি পারি তো কি পুরস্কার দেবেন ?”

রাজা ভাবলেন, লোকটা দৈত্য-দুটোকে দেখেনি ব'লে এতো অহঙ্কার করছে, তাদের দেখলে হয় পালাবে, নয় তো তাদের হাতে মারা যাবে নিশ্চয় । তাই ফুরতি করে বললেন—

“তা যদি পার তো, রাজকন্যার সঙ্গে তোমার বিয়ে দেবো, আর, আমার পরে তুমিই হবে এ দেশের রাজা ।”

“যো হুকুম, আমি একলাই দু-ব্যাটাকে শেষ করে দেবো—এখনি চলুম ।”

ব'লে, তাঁতি রওনা হতে গেলো, কিন্তু রাজা একশো সেপাই দিলেন সঙ্গে । বনের মুখে গিয়ে তাঁতি সেপাইদের বললে—“তোরা এইখানে থাক, আমি দু-ব্যাটাকে মেরে আনছি ।”

বনে, ঢুকতে সেপাইদের বুক কাঁপছিলো, সেনাপতির হুকুম শুনে বেঁচে গেলো ; তারা সেইখানে রইলো, তাঁতি একলা গিয়ে ঢুকলো বনের ভেতরে । তারপরে দু'পকেট ভরে নুড়ি কুড়িয়ে নিয়ে, ভয়ে-ভয়ে পা টিপে-টিপে, বনের এদিক-ওদিক ঘুরতে লাগলো দৈত্য দু'জনের খোঁজ ক'রে ।

কাটামুণ্ডের দেশে

খানিকক্ষণ ঘোরবার পরেই তাঁতির নজরে প'ড়লো—একটা মস্ত বড় ঝাঁকড়া গাছের গোড়ায়, চিৎ হয়ে শুয়ে, দু'জন দৈত্য নাক ডাকিয়ে ঘুমোচ্ছে। সে তেমনি নিসাড়ে পা-টিপে-টিপে গিয়ে, চড়ে বসলো সেই গাছের ওপরে। তারপরে পকেট থেকে একটা নুড়ি বার করে নিয়ে—তাগ্ করে—খুব জোরে মারলে একজনের নাকের ওপরে ঠক্ করে।

দৈত্য ধড়মড়িয়ে জেগে উঠেই, পাশের দৈত্যকে ঠেলে জাগিয়ে দিয়ে, রেগে বলে উঠলো—“কেনরে আমাকে মারলি?”

সে দৈত্য হো হো করে হেসে জবাব ক'রলে—“আমি তো ঘুমোচ্ছিলুম, তোকে মারলুম কখন? তুই স্বপ্ন দেখছিস্।”

আর কথা কাটাকাটি না করে, দু'জনেই আবার ঘুমলো। একটু পরে তাঁতি আবার একটা নুড়ি বার করে নিয়ে, তারপরে জোরে মারলে দ্বিতীয় দৈত্যের নাকে। সে তখুনি তিড়বিড়িয়ে উঠে, ধাক্কা দিয়ে প্রথমকে জাগিয়ে, বলে উঠলো—“ত্যাখ্, তোর ভারি অন্যায়, আমি বল্লুম তোকে মারিনি—সে কথা বুঝি বিশ্বাস করলি না, যেমন ঘুমটি ধরেছে, অমনি মারলি আমাকে? এবারে কিন্তু ভাল হবে না।”

“ভালোরে ভালো, ও কথা তো আমিই তোকে বলেছিলুম, তারপরেই ঘুমিয়েছি। এবার তুই স্বপ্ন দেখেছিস্। ফের যদি স্নুদু-স্নুদু অমন করিস্ তো, আমিও বলে রাখছি—ভাল হবে না কিন্তু!”

কাটামুণ্ডের দেশে

আবার দু'জনে শুয়ে যুমুলো। তাঁতিও খানিক পরে দুটো
মুড়ি বার করে নিয়ে, বিষম জোরে-জোরে মারলে ঠক্-ঠক্
করে দুজনকারই মুখের ওপরে।

আর যায় কোথায়? দু'জনেই জেগে লাফিয়ে উঠলো
একেবারে তিড়-বিড়্ কবে, তারপরেই, না কথা—না বাক্তা—
দু'জনে তেলে-বেগুনে জলে গিয়ে পড়লো যমের মতো দু'জনকার
ওপরে! লাথি, যুষো, চাপড়, আঁচড়-কামড়, জড়াজড়ি
হটোপাটিতে গাঁছের ডাল-পালা ভেঙ্গে, ধূলো উড়ে অন্ধকার হয়ে
গেলো জায়গাটা!

তবু কি সে যুদ্ধ থামে! শেষে, দু'জনেই ছুটে গিয়ে আন্লে
দুটো আস্ত-আস্ত গাছ উপড়ে, তারপরে সেই গাছ নিয়ে
মারামারি—পেটাপিটি করতে-করতে, ঘণ্টাখানেক পরে, দু'জনেই
মরে পড়লো সেইখানে। তাঁতির ফুর্তি দেখে কে! সে
তখন গাছ থেকে নেমে, তাড়াতাড়ি দু'জনের বুকে জোর করে
তার তলোয়ার খানা একবার করে বসিয়ে দিয়ে, টেনে আবার
বার করে নিলে, তারপরে এমন বিকট চৈচিয়ে বন তোলপাড়
করে দিতে লাগলো যে, সেই চীৎকার শুনে সেপাইরা আর
থাকতে না পেরে, ছুটে এসে সেইখানে জড়ো হলো। তাঁতি
বুক ফুলিয়ে বল্লে—“ছাখ্ সবাই, আমার যে কথা—সেই কাজ
কি না? এই তলোয়ারের এক ঘায়ে দু'ব্যাটাকে শেষ করে
দিছি। এখন তোরা দু'জন ছুটে গিয়ে রাজাকে খবর দে,

কাটামুণ্ডের দেশে

আর সবাই মিলে এদের মুণ্ড দুটো কেটে নিয়ে চল, রাজরাড়ীর ফটকে টাঙিয়ে রাখবো।”

দু’জন তখুনি ছুটে চলে গেলো। সেই খবর শুনে দেশসুদ্ধ লোক ছুটে এসে অবাক হয়ে দেখলে যে, সেনাপতি একলা যাদের



মেরেছে, তাদের শুধু মুণ্ড দুটো কাটতেই আটানব্বই জন যোয়ান সেপাই চিম্‌সিম্‌ খেয়ে যাচ্ছে!

সেই কাণ্ড দেখে কারুর মনে আর কোন রকম সন্দেহ কি হিংসা, কি খোঁচ্‌ রইলোনা। যারা তার জন্মে কাজ ছাড়তে চেয়েছিলো, তারাই খোসামোদী করে তাকে মাথায় তুলে নিয়ে,

কাটামুণ্ডের দেশে

নাচতে লাগলো । রাজার আর ভাবনা রইলোনা, তিনি কথা-মতো রাজকন্যার সঙ্গে তার বিয়ে দিতে গেলেন । কিন্তু তাঁতি বাধা দিয়ে বলে,—

“না মহারাজ, আপনি উপযুক্ত রাজপুত্রের সঙ্গে মেয়ের বিয়ে দিন, আমি বীর হলেও চাকর—ছোট জাত ! রাজকন্যাকে বিয়ে করে তাঁর মান নষ্ট ক’রতে পারবোনা । আমি সারাজীবন যাতে এই কাটামুণ্ডের দেশে সুখে-স্বচ্ছন্দে থাকতে পারি, সেই ব্যবস্থা করে দিলেই খুশী হবো ।”

রাজা পরম আশ্চর্যে তাকে গুরুর আদরে রাখলেন । দেশ-বিদেশে তাঁতির বীরত্ব আর মহত্বের কথা রটে যেতে বাকী রইলোনা । কত লোক যে নানা দেশ-দেশান্তর থেকে এসে ফটকে ঝোলানো দৈত্যদেব কাটাগুণ্ড দেখে যেতে লাগলো তার আর নিকেশ রইলো না । রাজার শত্রুরাও, সেরাজ্য কেড়ে নেবার আশায় জলাঞ্জলি দিয়ে, রাজার সঙ্গে বন্ধুত্ব করে যেতে লাগলো, আর সেই সঙ্গে সেই দেশের নাম হয়ে গেলো—কাটামুণ্ডের দেশ !

আজব-যুগ

এক

হিমালয়ের ওপার থেকে ‘হুণেরা’ এসে প্রথম যখন ভারতবর্ষের উত্তর দিকটা জয় ক’রে রাজত্ব করতে আরম্ভ ক’রলে তখন সে অঞ্চলে এক রাজা ছিলেন, তাঁর নাম ‘শিলাদিত্য’।

শিলাদিত্য বৌদ্ধ-রাজা—খুব শান্ত-শিষ্ট, ধার্মিক, তাঁর রাজ্য খুব বড় না হলেও, প্রজারা সকলেই বৌদ্ধ-ধর্ম নিয়ে সুখ-শান্তিতে দিন কাটাতে। কিন্তু হুণেরা সে দেশ জিতে নেবার পর থেকে তাদের সে সুখ-শান্তি আর রইলো না। হুণেরা আগুনের পূজা ক’রতো, রাজা হয়েই হুকুম করলে—সে রাজ্যের সকলকেই বৌদ্ধ-ধর্ম ছেড়ে দিয়ে রাজার ধর্ম নিতে হবে— আগুনের পূজা ক’রতে হবে, যে তা না করবে, তার হবে প্রাণ-দণ্ড।

রাজার ভয়ে, দেখতে-দেখতে দেশ সুদ্ধ সকলেই বৌদ্ধ-ধর্ম ছেড়ে দিয়ে আগুনের পূজা শুরু করলে। বৌদ্ধ-ভিক্ষুদের— সন্ন্যাসীদের—মঠ, আশ্রম উঠে গিয়ে, সেই সব জায়গাতে হলো, আগুনের পূজা করবার জন্যে বড় বড় উঁচু-উঁচু বেদী, বেদীর ওপরে

আজব ঘুম

—বড়-বড় প্রকাণ্ড-প্রকাণ্ড ধুসুটিতে দিন-রাত আগুন জ্বলতে



লাগলো। রাতে সেই সব জ্বলন্ত আগুনের উজ্জ্বল ছটায়

লোকের মনে একটা নতুন জীবনের সাড়া জেগে উঠতে লাগলো। তবুও, ধর্ম ছাড়লে না কেবল বৌদ্ধ-সন্ন্যাসীদের একটা নতুন দল।

সেই দলে ছিল আঠারো জন ভিক্ষু—সন্ন্যাসী, তারা সকলেই যুবক, সুপুরুষ, বড় ঘরের ছেলে। ধর্মের ওপর তাদের এমন টান আর বিশ্বাস ছিলো যে, সর্বস্ব গরীব-দুঃখীদের বিলিয়ে দিয়ে, ফকির হয়ে, দলটি করেছিলো মানুষের সেবা করবার জন্যে।

রাজার অগ্ণায় হুকুম শুনে তারা এক গভীর রাত্তিরে লুকিয়ে পালিয়ে গেলো হিমালয়ের এক নিরালা আনাড়ি গুহাতে, তারপরে পূর্ণিমার রাত্তিরে সকলেই একমনে ধ্যানে বসে, ক্রমে এমন সমাধিতে—গভীর ঘুমে—ডুবে গেলো যে, বাইরের জ্ঞান আর তাদের কিছুই রইলো না।

ওদিকে, তাদের খোঁজ করে ধরে নিয়ে যাবার জন্যে, রাজা দলে-দলে সেপাই-সান্ধী পাঠাতে লাগলেন রাজ্যের চারদিকে। এমন কি, হিমালয়ের ভেতরে লোক পাঠাতেও বাকী রাখলেন না। কিন্তু কেউ কোথাও তাদের সন্ধান পেলো না।—একদল সেপাই সেই গুহার মুখ পর্যন্ত গিয়ে, শাদা রঙের আশ্চর্য চেহারার এক রকম সিঙ্গীর—সিংহের—তাড়া খেয়ে, পালিয়ে এলো। আর এক দল গিয়ে, সাংঘাতিক সাপের ছোবলে প্রাণ দিলে।

রাজা তবুও ছাড়লেন না, শেষে এক বীর সেনাপতির সঙ্গে বিস্তর বাছাই করা সৈন্য দিয়ে পাঠালেন সেই গুহাতে খোঁজ

আজব ঘুম

করবার জন্মে। কিন্তু দিনের পর দিন—মাসের পর মাস—
কেটে গেলো, তাদের যে কি হলো, তা কেউ বলতে পারলে না।
শেষে বছরও হয়ে গেল পার। রাজা তখন নিরাশ হয়ে সেই
আঠারো জন বৌদ্ধ-সন্ন্যাসীর খোঁজ করা ছেড়ে দিলেন।



‘সিংহের তাড়া খেয়ে পালানো এবং শাপের ছোবলে প্রাণ দিলে।’

এদিকে, গুহান্ন ভেতরে তারা নিসাদে ঘুমিয়ে রইলো
সমাধিতে ডুবে। পৃথিবীর ওলোট-পালটেও আর তাদের ঘুমও
ভাঙলো না—সমাধিও ঘুচলো না। ক্রমে একটি দুটি ক’রে
দেড়শো বছর কেটে গেলো সেই ভাবে, তারা তার কিছুই
জানতে পারলে না।

দুই

দেড়শো বছর পরে, হঠাৎ এক ভোরে হিমালয় পাখীর গানে মেতে উঠলো! গলানো সোনার শ্রোত ঢেলে দিয়ে সূর্য্য হাস্তে লাগলেন আকাশে। বরফে-ঢাকা হিমালয় শিখরে-শিখরে সোনার তাজ পরে, বুক-বুকে সোনার হুঁর ছলিয়ে, রাজার রাজা—সম্রাট হয়ে তলব ক'রলেন প্রজাদের। অমনি পশুর দল যে যেখানে ছিলো, তারা চারদিক থেকে ঘর ছেড়ে বেরিয়ে আহ্লাদে ছুটোছুটি—লাফালাফি—ঝাঁপাঝাঁপি শুরু করে দিলে। দেখাদেখি, ফুলের দলও গন্ধ ঢেলে দিলে বাতাসে। অমনি, রূপে—রসে—গন্ধে—গানে হিমালয় ভরে গেলো।

সেই বিরাট আনন্দের সাড়ার ভেতরে হঠাৎ সেই আঠারো জনেরই সমাধি ঘুচে গেলো—যুম ভেঙ্গে গেলো। তাদের মনে হ'লো, মাত্র একটা রাত নিশ্চিন্তি হয়ে ঘুমিয়েছে। একজন বললে—“দয়াময় বুদ্ধদেবের আশীর্ব্বাদে একটা রাত আমাদের নিরাপদে কাটলো।”

আর এক জন বললে—“তঁার দয়ায় এখানে আমরা বেশ থাকতে পারবো, নিষ্ঠুর রাজার লোকেরা এ জায়গার সন্ধান পাবে না।”

আজব যুম

তৃতীয় সন্ন্যাসী বলে—“আর যদিই বা পায়, তাতেই বা কি ? রাজা গর্দানা নেবে—নিক ! যাঁর নাম নিয়ে সংসার ছেড়েছি তাঁর নাম ভুলবো না—ধর্ম ছাড়বোনা কখনই ।”

“নিশ্চয়—নিশ্চয় !” বলে সকলেই এক সঙ্গে জোর গলায় সায় দিলে । তারপরে আর একজন বলে—

• “কিন্তু ভাই, এখানে থেকে তো ভিক্ষায় যেতে হবে আমাদের সকলকেই সহরে । আমরা সবে মাত্র পালিয়ে এয়েছি দুটো দিন, রাজার লোকেরা নিশ্চয়ই ঘুরছে চারদিকে নজর রেখে । সকলে একসঙ্গে বেরোলেই ধরা পড়বো, তার উপায় কি করা যায় ?”

তখন সকলে মিলে পরামর্শ করে ঠিক করলে যে—একজন ছদ্মবেশ পরে সহরে গিয়ে খবর নিয়ে আসবে, আর সেই সঙ্গে কিছু খাবার জিনিসও কিনে আনবে সপ্তাহ খানেকের মতো, তারপরে সহরের অবস্থা বুঝে সবাই মিলে আবার ভিক্ষায় বেরোবো সাত-আট দিন পরে থেকে ।

পরামর্শ মতো, সেই দিনেই একজন ছদ্মবেশ পরে সাজলে এক গণককার, তারপরে খাবার-দাবার কেনবার জন্যে দুটো মোহর মাথার পাগড়ীর ভেতরে নিয়ে, গুহা থেকে বেরিয়ে চললো তাদের ‘বোধ্ সমন্দর’ সহরে ।

কিন্তু পাহাড়-বন ছাড়িয়ে সহরের পথে খানিক দূর এগিয়ে গিয়ে গণককার থমকে দাঁড়ালো, তার কেবলই মনে হতে লাগলো—এ যেন তাদের সে সহর নয়, চারদিকের সবই যেন কেমন

কাটামুণ্ডের দেশে

নতুন-নতুন—অচেনা—অজানা ! পথ ভুল হয়েছে ভেবে,
দাঁড়িয়ে চারদিকে ভালো করে দেখলে, কিন্তু আর কোন দিকে
অন্য কোন পথ দেখতে না পেয়ে, সেই পথ দিয়েই বরাবর চলো
এগিয়ে। শেষে সহরে ঢোকবার মুখে গিয়ে আর তার পা
উঠলো না, একেবারে হতভম্ব হয়ে দাঁড়িয়ে, চাইতে লাগলো
ফাল্-ফাল্ করে চারদিকে।

দেশটার তিন দিক পাহাড়-বনে ঘেরা, আর পূর্বের দিকে
মস্ত উঁচু পাথরের পাঁচীলের মাঝখানে—সহরে ঢোকবার প্রকাণ্ড
ফটক। ফটকের বাইরে বিশাল ‘বোধ্ সমন্দর’ দীঘি, তা
থেকেই সহরেরও নাম হয়েছে—‘বোধ্ সমন্দর’। গণককার
ফটকের সামনে দাঁড়িয়ে অবাক হয়ে দেখলে, দলে-দলে বৌদ্ধ-
ভিক্ষু দীঘিতে স্নান করছে, কেউ বা স্তব করছে, আবার কেউ বা
মনের আনন্দে গান ধরেছে—

জয় জয় বুদ্ধদেব—জয় জয় জয় !

কিশোর—করুণানিধি জ্ঞানের আলায় ॥

তিন

• স্বপ্ন—স্বপ্ন—নিশ্চয় স্বপ্ন ! গণককার নিজের চোককে বিশ্বাস ক'রতে পারলে না, ভাবলে—যা দেখছে সবই স্বপ্ন ! নইলে, যে • বিদেশী হুণ-রাজা দেশ জয় করে বুদ্ধের নাম পর্য্যন্ত লোপ করে দেছে, • বৌদ্ধ ভিক্ষুদের মাথা কেটে পথের ধারে ঝুলিয়ে রেখেছে, মঠ আশ্রম ভেঙ্গে গুঁড়িয়ে দিয়ে আগুনের পূজো করবার বেদী করেছে, যার ভয়ে তারা আঠারো জন মাত্র দুটো দিন • আগে পালিয়ে গিয়ে হিমালয়ের গুহাতে লুকিয়ে আছে, সেই হুণ রাজার রাজ্যে এ কী ব্যাপার ? এ তো তার রাজ্য হতেই পারে না—এ নিশ্চয় কোন বৌদ্ধ-রাজার দেশ ! তা হ'লে পথ হারিয়ে কোন্ দেশে এসে পড়লো সে ?

জন দুই লোক নেয়ে উঠে সহরে ঢুকতে যাচ্ছিলো, দেখেই সে ডাকলে—“ও ভাই, শোন—শোন ।”

তারা কাছে এসে ব্যাজার হয়ে জিজ্ঞাসা ক'রলে—“শীগ্গির বল কি চাও ? আবার এখুনি ফিরে গিয়ে নাইতে হবে শুধু তোমার জন্যে !”

“কেন—কেন—আমি কি করলুম ?”

কাটামুণ্ডের দেশে

“এই যে ডাক্লে, আবার করবে কি ?”

“সেটা কি এ দেশে অপরাধ না কি ?”

“অপরাধ নয় ?—বিষম অপরাধ ! আমাদের মঠের নিয়ম, নেয়ে উঠে আগে বুদ্ধদেবের নাম গান না করে, কারুর সঙ্গে একটিও কথা বলবার যো নেই।”

“আমি তা জানবো কেমন করে ?”

“নাঃ—কিছুই জান না ! বুড়ো মিন্সে কোথাকার, খালি নিজের কথাই ষোল কাহন কইচেন ! সুধু-সুধু তেকে আবার আমাদের স্নান করালে হে ? চল—চল, হতভাগা নচ্ছার কোথাকার !”

“গণককার গুলোর দশাই ওই !” ব’লে দ্বিতীয় লোকটা প্রথমের কথাতে সায দিলে। তারপরে দু’জনেই তার দিকে কটমট্ করে চাইতে-চাইতে আবার ফিরে গেলো দৌঘিতে। বেচারা অবাক হয়ে ফ্যাল-ফ্যাল করে চেয়ে রইলো।

তারপরে, একজন গেরস্ত ভদ্র লোক যাচ্ছিলো সহরের বাইরে, সে কাছে আসতেই, গণককার ভয়ে-ভয়ে জিজ্ঞাসা করলে—“আচ্ছা মশাই, এটা কোন্ দেশ—নাম কি ?”

লোকটা আশ্চর্য হয়ে তার মুখের পানে চাইলে, তারপরে একটুখানি কি ভেবে, হেসে বল্লে—“দেখ্ছি তো গণককার, নিজেই গুণে বল না—এটা কোন্ দেশ !”

“কি জানি মশাই, আমার সব কেমন গুলিয়ে যাচ্ছে।”

“ওঃ—বুঝেছি, সকালে উঠেই ভোরপুর ভাং চড়িয়ে বেশ মসৃণ হুয়ে আছ দেখছি, সাবাস্ গণককার !”

ব’লে, হাসতে-হাসতে লোকটা নিজের কাজে চলে গেলো। গণককার একেবারে হতভম্ব হুয়ে হাঁ করে দাঁড়িয়ে রইলো। একটু পরে একজন মেয়েমানুষ সহরে ঢুকছিলো মালা আর চন্দন নিয়ে। দেখে, ভরসা করে জিজ্ঞাসা ক’রলে—

“ওগো বাছা, একটু দাঁড়াও—দাঁড়াও, আমাকে দয়া করে বল না—এটা কোন্ দেশ গা ?”

মেয়েমানুষটির স্বভাব একটু খরখরে, সে তার মুখের সামনে হাত নেড়ে খর্ খর্ করে বললে—“তুমি আগে বল তো, কোন দেশের মানুষ গা ?”

“আ—আ—আমি—আমি বোধসমন্দের লোক।”

মেয়েমানুষটি হেসে একেবারে গড়িয়ে পড়লো, তারপরে একটু দম নিয়ে তেমনি হাসতে-হাসতে বললে—“এটা তবে আর কোন্ দেশ গা? আহা তোমার বুঝি বাড়ীতে মা-বাপ কেউ নেই গা—আহা একলা পথে ছেড়ে দেছে গা—আহা মাথার ঠিক নেই গা—কেমন করে খরে ফিরবে গা—”

বলে, তেমনি হাসতে-হাসতে তার দিকে ফিরে চাইতে-চাইতে চলে গেলো। গণককার তার কথা শুনে আর রঙ্গ দেখে একেবারে কাঠের পুতুলের মতো থ হুয়ে রইলো দাঁড়িয়ে।

হঠাৎ ফটকের সান্দ্রীর নজর প’ড়লো তার দিকে, হাতছানি

কাটামুণ্ডের দেশে

দিয়ে কাছে ডেকে, জিজ্ঞাসা ক'রলে—“তোম্ কোন্ রে, এয়াস
খাড়া ছায় কাহে কো ?”

“হ্যাঁ বাবা, এটা কোন দেশ বাবা—রাজার নাম কি ?”

“এ তো বোধ্‌সমন্দর, তোম কেয়া বাওরা ছায়—মহারাজ
হর্ষবর্দ্ধন কা নাম শুনা নেহি ? তাজ্জব কা বাত !”

চার

সান্ত্রীর কথা শুনে গণক্কারের যে টুকু বা জ্ঞান ছিলো, তা কপূরের মতো উপে গেলো, মাথায় হাত দিয়ে রাস্তার ওপরে ধপ করে বসে পড়লো। তার কেবলই মনে হতে লাগলো, পৃথিবী কি ওলোট-পালট হয়ে গেছে দুটো দিন আর একটা রাত্তিরের ভেতরেই ? •

না—দেশটা বোধ সমুদ্রের মতো দেখতে হলেও সে দেশ কখনই নয়, নইলে সে হুণ রাজা গেল কোথায় ? সাতপুরুষও কেউ কখনো যে নাম শোনেনি, বলে কি না রাজার নাম—ভাই—হর্ষবর্দ্ধন ! নাঃ—এ সবই মিছে, নিশ্চয় স্বপ্ন ! সে স্বপ্ন দেখছে—ঘুমের ঘোর তার এখনো ভাঙেনি।

হঠাৎ তার মাথায় এক বুদ্ধি এলো, ভাবলে—দেখা যাক পরখ করে ঘুমিয়ে না জেগে ? রাস্তা দিয়ে জনকতক ছেলে যাচ্ছিলো খেলতে, তাদের ডেকে বললে—“ভাই সব শোন, শোন, তোমরা আমার হাতের এই আঙ্গুল কটা একবার কামড়াও তো ?”

কাটামুণ্ডের দেশে

বলেই ডান হাতখানা দিলে বাড়িয়ে। ছেলের দল কিন্তু ভরসা পেলো না, আশ্চর্য্য হয়ে চেয়ে রইলো। সে আবার বল্লে—“আরে কাম্‌ড়াও—কাম্‌ড়াও, একবার কাম্‌ড়ে আমার একটু উপকার করনা—ঘুমটা ভেঙ্গেই যাক, স্বপ্ন ঘুচুক, পরিস্কার বুঝতে পারি। নাও, কাম্‌ড়াও—কাম্‌ড়াও !—”



ছেলের দল মজা পেলো, পাগল ভেবে বন্লে—“কিন্তু তুমি তো ফিরে পাল্টা কাম্‌ড়াবে না ?”

“আরে না—না—কাম্‌ড়াও, পরখ করে দেখি।”

আর যায় কোথায় ? ছেলেরা তো একে পায় আরে চায় !

আজর ঘুম

সবাই মিলে, শুধু আঙ্গুলই নয়, যে যেখানে পারলে কামড়ে ধরলে এমন জোরে যে, রক্ত পড়তে লাগলো ঝুঁজিয়ে, গণককারও যাতনায় চোঁচাতে-চোঁচাতে নাচতে লাগলো তিড়িং তিড়িং করে, আর বলতে লাগলো—“আরে ছাড়্—ছাড়্—ছাড়্—ঘাট হয়েছে আমার—ছেড়েদে।”

আর ছেড়েদে ! তখন সে কথায় আর কাণ দেয় কে ? গণককার যাতনায় যত চোঁচায়, ছেলের পালও ততই মজা পেয়ে হাততালি দিয়ে কামড়াতে থাকে জোরে জোরে ! ব্যাপার দেখে, শেষে, সান্ত্বনা তাদের তাড়া করে দিলে হাঁকিয়ে। কিন্তু একে হলো আর ! ছেলেরা গিয়ে পাড়ার সব ছেলেদের ডেকে এনে রাস্তার ধারে দাঁড়িয়ে রইলো।

এদিকে, লোকটার সুন্দর চেহারা, সরল ভাব আর পাগ্লাটে ধরণ দেখে সান্ত্বনীর মনে দয়া হয়েছিলো। বেলা অনেক বেড়েছে দেখে, তাকে খাওয়াবার জন্যে, সঙ্গে করে নিয়ে চলো—রাজার অতিথিশালাতে।

আর যায় কোথায় ? রাস্তার চারধার থেকে অমনি পালে-পালে ছেলে বেরিয়ে, দু'জনকে ঘিরে, হাততালি দিতে দিতে চোঁচিয়ে বলতে লাগলো—

পাগ্লা মড়ার গায়ে ঘা,

রক্ত পড়ে—চেটে খা !

গ্রাহ না করে দু'জনে এগিয়ে চলো, কিন্তু ছেলের পালও

কাটামুণ্ডের দেশে

না-ছোড় !—সঙ্গে-সঙ্গে যেতে-যেতে, চারদিক ঘিরে কেবলই
চেষ্টাতে লাগলো—

পাগলা মড়ার গায়ে ঘা,

রক্ত পড়ে চেটে খা !

ক্রমে ব্যাপারটা এমন হলো যে, আর সইতে না পেরে, সান্ধী
করলে তাড়া । ছেলের দলও পেয়ে গেলো মজা । সান্ধী যে দিকে
তাড়া করে, সেই দিকের ছেলেরা ছুটে পালায়, আর অমনি অন্য
দিকের ছেলেরা লোকটাকে ঘিরে চেষ্টিয়ে ব'লতে থাকে—

পাগলা মড়ার গায়ে ঘা,

রক্ত পড়ে—চেটে খা !

আর ধূলো, কাদা, ঘাস, কাঁকর, যে যা পায়, ছুড়ে মারে
চারদিক থেকে । তাদের উৎপাত আর অত্যাচারে শেষে সত্যি-
সত্যিই মানুষটা হয়ে গেলো পাগলের মতো ।

পাঁচ

চারদিক থেকে রব উঠলো—‘পাগল!’ ‘পাগল!’ দেখতে-
দেখতে চারদিকে লোকের এমন ভিড় জমে গেলো যে, তার ভেতর
থেকে বেচারাকে বার কবে নিয়ে যাওয়া একলা সান্ত্বীর পক্ষে
হ’লো মহা মুশ্কিল।

সুধু কি তাই? ভিড়ের ভেতর থেকে যার যা খুসি তাই
বলতে লাগলো। কেউ বললে—‘বেটা চোড়া, মার।’ কেউ বললে—
‘ধরে কয়েদখানায় নিয়ে যাও।’ কেউ বললে—‘গাছে বেঁধে
মাথায় জল ঢাল।’ কেউ বললে—‘বোধ্‌সমন্দরে নিয়ে গিয়ে
চুবোন্ দাও।’

সেই সময়ে এক ন্মপিত যাচ্ছিলো সেই রাস্তায়। দেখেই তো
জনকতক হৈ-হৈ করে চৈচিয়ে উঠলো—“ওহে, এই পাগলটার
মাথাটা নেড়া করে দাওতো?”

শুনে বেচারা গণ্ধকার চম্কে উঠলো, তাড়াতাড়ি মাথার
পাগড়ীটাকে দু’হাতে চেপে ধরলে। তাই দেখে সকলেরই

কাটামুণ্ডের দেশে

ঝাঁক পড়লো সেইটেকে আগে টেনে খোলবার জন্যে । অমনি বিষম টানাটানি—ধস্তাধস্তি পড়ে গেলো ।

অত লোকের সঙ্গে বেচারা আর পারবে কতক্ষণ ? জন দুই ফর্-ফর্ করে টেনে খুলে ফেলে পাগড়ীর লম্বা কাপড়খানাকে । অমনি মোহর দুটো রাস্তায় পড়ে গেলো ঝন্-ঝন্ করে ।

আর দেখে কে ? অমনি তুমুল ব্যাপার বেধে গেলো । সবাই চৈচিয়ে উঠলো—‘ব্যাটা ডাকাত—ডাকাত—বাঁধো !’

এবার সান্দ্রীও হয়ে গেলো সেই সব লোকদের দিকে । “তবেরে ডাকু !” বলে, বিষম রেগে মারতে গেলো তাকে । গণককার বেচারা ভয়ে চোক বুজলে নিরুপায় হয়ে । ঠিক সেই মুহূর্তে হঠাৎ হয়ে গেলো যেন ভেল্কীর খেলা !

অত হট্টগোল একেবারে চুপ হয়ে থেমে গেলো । কেউ আর ভরসা করে গণককারের গায়ে আঙ্গুলটিও ছোঁয়াতে পারলে না, বরং সকলেই, ফাঁক হয়ে, অনেকখানি জায়গা ছেড়ে, সরে দাঁড়ালো । গণককার আশ্চর্য্য হয়ে চেয়ে দেখলে, তার সামনে দাঁড়িয়ে উজ্জ্বল মূর্তি, শান্ত গম্ভীর এক বেজায় বুড়ো বৌদ্ধ ভিক্ষু ! তাঁর সর্ব্বাঙ্গ দিয়ে যেন পুণ্যের ছটা ঠিকরে বার হচ্ছে ! “গুরু-মহারাজ জি কী জয় !” বলে সকলেই ভক্তি-ভরে চৈচিয়ে উঠলো !

রাজ-গুরু জিজ্ঞাসা ক’রলেন—“কি হয়েছে এখানে ?”

জন দুই লোক সেই মোহর দুটো তাঁর হাতে দিয়ে আগা-গোড়া সকল কথা বুঝিয়ে বললো । তিনি মোহর দুটোকে বেশ

আজব ঘুম

করে নেড়ে-চেড়ে দেখে বল্লেন—“এ যে দেখছি অনেক কালের পুরোণো—প্রায় দু’শো বছর আগেকার—রাজা শিলাদিত্যের নাম খোদা মোহর ! এ মোহর তুমি কোথায় পেলো বাবা ?”

সারাদিন ধরে নানা রকমের তাড়না খাবার পরে ভিক্ষুর মিষ্টি কথায় গণককারের মন গলে গেলো, দু’চোক দিয়ে জল ছুটলো দর দর করে ! ভক্তিভরে ভিক্ষুকে প্রণাম করে বল্লেন—“সকল কথা আপনার কাছেই খুলে ব’লবো, কিন্তু আগে আমাকে রক্ষা করুন এই অত্যাচারের হাত থেকে—ক্ষিদে-তেষ্ঠায় প্রাণ যায়।”

“আহা—এস, এস বাবা আমার সঙ্গে !” ব’লে রাজ-গুরু সান্দ্রীর দিকে চাইলেন। সে তখনি ধাক্কা দিয়ে ঠেলে, ভিড় সরিয়ে, পথ সাফ করে দিলে। রাজ-গুরু গণককারকে সঙ্গে করে নিয়ে গেলেন তাঁর আশ্রমে।

* * * *

সেই রাত্রেই রাজার একদল সান্দ্রী হিমালয়ের সেই গুহাতে গিয়ে, বাকী সতের জন সন্ন্যাসীকে পরম সমাদর করে নিয়ে এলো রাজ-গুরুর আশ্রমে। মাসদুয়েক পরে, রাজা হর্ষবর্দ্ধন, যুদ্ধ থেকে ফিরে এসে—এই আঠারো জন ভিক্ষু-সন্ন্যাসীর আজব ঘুমের ইতিহাস শুনে, যত্ন করে লিখিয়ে রাখলেন রাজ-বাড়ীর পাঠাগারে—কেতাবখানায়।



এক

পৃথিবীতে অসম্ভব কোনও কিছু ঘটতে শুনলে, লোকে যেমন হঠাৎ বিশ্বাস ক'রতে চায় না, তেমনি, বাঙ্গালীর মেয়েদের কোনও আশ্চর্য্য রকম দুঃসাহসের কথা শুনলে লোকে মনে করে গল্প ! কিন্তু তেমনি এক ঘটনায় অরবিন্দের বুঝতে বাকী রইলো না যে, আগেকার দিন তাদের আর নেই, দুঃসাহসের কাজে এগোতে তারাও এখন আর ভয় পায় না মোটেই ।

অরবিন্দ রায় বৈদ্যের ছেলে, তার বাপ ছিলেন বিলাত-ফেরত—ম্যাজিষ্ট্রেট । ছেলে-বেলা থেকে বাপের সঙ্গে দেশ-দেশান্তরে ঘুরে, সাহেব-সুবোর সঙ্গে থেকে-থেকে, এক দিকে সে যেমন লেখা-পড়া শিখে পণ্ডিত হয়েছিলো খুব, অন্যদিকে তেমনি তার স্বভাবও হয়ে গিয়েছিলো—সাহেবদের মতো—সাহসী, বে-পরোয়া, প্রাণের ভয়-ভাবনা-শূন্য মরিয়া ! তার ওপর, অজানা দেশের পাহাড়-পর্বত বন-জঙ্গলের ভেতরে কোথায় কি আছে—

ওঃ-বাবারে !

দেখ্‌বার, বড় বড় হিংস্র জানোয়ার শিকার করবার, আর অসভ্য জংলা মানুষদের বিবরণ জানবার ঝাঁক এমন বেড়েছিলো যে, নিজের সাজ-সরঞ্জাম নিয়ে বড় বড় সাহেব-শিকারীদের সঙ্গে, কেবলই নানা রাজ্যের অজানা পাহাড় জঙ্গলে ঘুরে বেড়াতো ।

তাতে, এক দিকে—বড় শিকারী ব'লে—যেমন তার নাম রটেছিলো, অন্য দিকে তেমনি, জংলা কালো মানুষদের আশ্চর্য্য আশ্চর্য্য গল্প লেখবার জন্যে, তার নাম জানতো না—এমন লোক ছিল না ব'লেই হয় । অরবিন্দও, কোথাও কোন বড় জানোয়ারের নাম শুন্লে, কি কোন আশ্চর্য্য ব্যাপারের একটু গন্ধ পেলেই, অমনি বন্দুক ঘাড়ে ছুটে গিয়ে হাজির হতো সেইখানে । তেমনি করে, অসভ্য বুন্দাদের ভেতরে সভ্য মানুষদের এক ফরসা ছেলের থাকবার কথা শুনে, সে গিয়ে চুকেছিলো—দাক্ষিণাত্যের পাহাড়-জঙ্গলে ভরা এক অজানা রাজ্যের ভেতরে ।

দিন পাঁচ-ছয় বাঘ ভাল্লুক মারতে মারতে এগিয়ে যাবার পরে সে গিয়ে পড়লো—চারদিকে গভীর বনে ঢাকা—ছোট একটা জলার কাঁছে—খানিকটা ফাঁকা জায়গাতে ।

হঠাৎ মানুষের ভয়ের চীৎকারে অরবিন্দ চমকে চেয়ে দেখলে, জলার একধারের বড় বড় ঘাস আর ঝোপ-ঝাড় তোলপাড় করে, ভূতের মতো একটা কালো লম্বা মানুষ, প্রাণের দায়ে, উর্দ্ধ্বাশ্বাসে তারই দিকে ছুটে আসছে বিকট চোঁচাতে-চোঁচাতে !

কাটামুণ্ডের দেশে

অরবিন্দ তার কথা কিছুই বুঝতে পারলে না। কিন্তু পরক্ষণেই কাণে গেলো এক বিষম ভোস্ ভোসানির শব্দ, আর সঙ্গে সঙ্গেই চোকে পড়লো—বিরাট চেহারার এক সাংঘাতিক বুনো মোষ তেড়ে আসছে সেই মানুষটার পেছনে।

অরবিন্দ তোয়ের হতে না হতে মোষটা এসে পড়লো প্রায় তার ওপরে, আর ঠিক সেই সময়ে হঠাৎ শিকড়ে পা আটকে, বোচারা ছড়মুড়িয়ে পড়ে গেলো আকাশ ফাটা চীৎকার করে। আর এক মিনিট—লোকটার সব শেষ হয়ে যায় ! •

অরবিন্দ যেন ক্ষেপে উঠলো, চোকের পলকে বন্দুক তুলেই ছাড়লে—গুড়ুম্—গুড়ুম্ ! মোষটা একবার শূন্যে লাফিয়ে উঠেই ধপ্ করে পড়লো সেইখানে, তারপর দু'চার বার পা নেড়ে স্থির হয়ে গেলো। •

অরবিন্দ কাছে গিয়ে দেখলে, লোকটা মূর্ছা গেছে। তার সেবা করে জ্ঞান ফেরাতে সক্ষ্য হতে এলো, সঙ্গে চাকর দুজনকে হুকুম করলে, সেইখানেই তাঁবু ফেলবার জন্তে।

লোকটা কাঠুরে, পরের দিন সকালে অরবিন্দ তার কাছে শুনলে যে, মাইল পনেরো দূরে, পাহাড়ের ভেতরে এক রকম কালো মানুষ আছে, তারা এক ভাল্লুকের বাচ্চার সঙ্গে একটি ফর্সা মেয়েকে পেয়ে, নিজেদের কাছে এনে রেখেছে। সেই কথা শুনে, কাঠুরে চলে যাবার পরে, অরবিন্দ সেইখানে যাবার জন্তে তাঁবু তুলতে হুকুম ক'রলে। কিন্তু সে দিন তা ঘ'টলোনা !



“বন্দুক এনে অববিন্দের হাতে দিলে”

ওঃ-বাবারে !

সন্ধ্যার পরে অরবিন্দ তাঁবুর সামনে বসে ক্যাম্প-টেবিলে আলো রেখে, মোষের ব্যাপার লিখছিলো, হঠাৎ তার চাকর ঝপ্সি হাঁপাতে-হাঁপাতে ছুটে এসে বললে—

“ঘোড়াপর কোই আতা ছায় হুজুর ।”

“দূর—ঘোড়ায় চড়ে এখানে কে আসবে ?”

“কেয়া মানুম—ওই শুনিয়ে ।”

অরবিন্দ কাণ পেতে শুনলে, সতাই ঘোড়ার পায়ের অস্পষ্ট আওয়াজ ক্রমেই কাছে এগিয়ে আসছে । ঝপ্সির দিকে চাইতেই, সে তাঁবুর ভেতর থেকে বন্দুক এনে অরবিন্দের হাতে দিলে ।

কিন্তু অরবিন্দ বন্দুক না তুলতেই হঠাৎ পাশের দিকের বনের ভেতর থেকে, মেয়েছেলের খিল-খিল হাসি উঠলো, আর পরক্ষণেই এক ঘোড়সওয়ার মেয়ে, বন ঠেলে বেরোতে-বোরোতে তেমনি হেসে বলে উঠলো—

“থামুন, থামুন—আমি শত্রুর নই—মেয়েছেলে, তায় একলা ।”

ছই

ইঠাৎ মাথার ওপর আকাশ ভেঙ্গে প'ড়লে লোকে যত না আশ্চর্য্য হয়, তার চেয়ে বেশী আশ্চর্য্য হয়ে অরবিন্দ এক দৃষ্টে তার দিকে চেয়ে রইলো ফ্যান্-ফ্যান্ করে, তারপর মেয়েটি ক্রাচ্ছে আসতেই ঝপ্সিকে ইসারা ক'রলে। সে ছুটে গিয়ে ঘোড়ার মুখ ধরে দাঁড়ালো।

অরবিন্দ তাড়াতাড়ি এগিয়ে গেলো তার হাত ধরে নামিয়ে নেবার জন্যে, কিন্তু তার আগেই সে—রেকাবে ভর দিয়ে—তড়াক করে লাফিয়ে নেমে, হাসতে-হাসতে জিজ্ঞাসা করলে—“মিষ্টার রায়, আশা করি?”

“হ্যাঁ” ব'লে, অরবিন্দ ঘাড় নেড়ে সায় দিয়ে জিজ্ঞাসা ক'রলে—
—“আ—আ—আপনি ?—”

“আমাকে ‘আপনি’ বলে লজ্জা দেবেন না, আমি মীরা—
মীরা গুপ্তা—ভান্ডার অখিল সেনের ভাগ্নী।”

“এঁয়া—মীরা—মী—রা—?”

“হ্যাঁ, রাঘ নই—ভাল্লুক নই, ডাইনি নই—পেত্নী নই,

ওঃ-বাবারে !

খোদ মীরা গুপ্তা, আপনার আগেরকার দিনের সেই আট-বছর বয়সের ছাত্রী।”

ব’লে, খিল-খিল করে খুব একচোট হেসে নিয়ে, শেষে বলে—“হক্চকিয়ে গেলেন যে ! জলপাইগুড়ির কথা মনে পড়ে না ? আপনার বাপ ছিলেন সেখানকার ম্যাজিষ্ট্রেট, আর আমার মামা ছিলেন ডাক্তার, বছর তেরোর কথা বই তো নয় ?”

“কিন্তু তের বছর কি কম দিন—একটা যুগ চলে গেছে যে ! তাতে ‘জুমার চোহার আশ্চর্য্য রকম বদলে, হঠাৎ যদি চিন্তে না পেরে থাকি তো আমার দোষ দিতে পার না।”

বলে, অরবিন্দ তাড়াতাড়ি চেয়ার খানা এগিয়ে দিয়ে একটা ক্যাম্প-টুল আনিয়ে, বসে, ঝপ্-সিকে হুকুম করলে ঘোড়াটার তদ্বির কুরবার জন্যে। ব্যাপার বুঝে তার অন্য নেপালী চাকর ‘হররাজ’ আগে থাকতেই চা আর খাবারের ব্যবস্থা করেছিলো। একটু পরেই এনে হাজির করে দিয়ে বলে—“খানার ঘণ্টা দেড়েক দেরী হবে হুজুর !”

মীরা হেসে বলে উঠলো—“আর খানা না হলেও দুঃখ নেই, কেবল এই এক কাপ্ চায়ের জন্যে কাল বিকাল থেকে আমি আমার সমস্ত সম্বল খরচ করতে পারতুম !”

“তা কি হয় ?” বলে, অরবিন্দ হুকুম করতে সে তাড়াতাড়ি চলে গেলো, তারপরে মীরার দিকে চেয়ে আশ্চর্য্য হয়ে জিজ্ঞাসা করলে—“তুমি কাল বিকাল থেকে এই বনে—”

বাধা দিয়ে, তেমনি হাসতে-হাসতে মীরা বলে উঠলো—
“কাল বিকাল বলছেন কি, আজ চারদিন থেকে—”

“এঁয়া—চারদিন ! তোমার সঙ্গে লোকজন—”

“লোকের ভেতর আমি, আর জনের ভেতর আমার ঘোড়া,
তা'ছাড়া আর কোথায় কাকে পাবো ?”

এবার অরবিন্দ দু'-চোক ডাগর-ডাগর করে কপালে তুলে
বেজায় আশ্চর্য্য হয়ে বলে উঠলো—“কি সর্বনাশ ! বল কি !
তুমি একলা এই সাংঘাতিক বিপদ-ভরা বনের ভেতরে চারদিন
ধরে—কেন—কিসের জন্যে—”

“শুধু আপনাকে খুঁজে বার করবার জন্যে । আমার মনে
দৃঢ় বিশ্বাস ছিলো যে পারবো । ষ্টেশনে নেমে সহরে ঢুকে সাহেব
পাড়াতে আপনার নাম করে খুঁজতে, শুনলুম যে, দিন দশ-বারো
আগে আপনি এই বনে শিকারে ঢুকেছেন । এক বুড়ো কর্ণেল
তাঁর ঘোড়াটা দয়া করে আমায় দিয়ে, যে পথে শিকারীরা যায়—
দেখিয়ে দিলেন । আমিও সেই পথে বনে ঢুকে, এক সাহেব
শিকারীর দেখা পেয়ে গেলুম । তিনি আপনাকে জানেন, কিন্তু
আপনি যে কোন দিকে গেছেন, তা বলতে পারলেন না । শেষে
দু'পুরের পরে হঠাৎ এক কাঠুরের সঙ্গে দেখা হতে আপনার সন্ধান
পেলুম । সাহেবও আমার সঙ্গে আসতে চাইলেন, কিন্তু তাঁর
ঘোড়ার জখমের জন্যে দিন দুই দেরী করতে বল্লেন । আমি
তা পারলুম না । সেই থেকে এই বন্ধুর সঙ্গে একলা ঘোড়ার

ওঃ-বাবারে !

পিঠে আসছি ।” ব’লে, একটা রিভলভার বার করে দেখিয়ে দিলে ।
অরবিন্দ জিজ্ঞাসা ক’রলে—“কাল রাত্রির কাটালে কোথায় ?”

“একটা গাছের কোটরে ।”

অরবিন্দ খানিকক্ষণ আশ্চর্য্য হয়ে মীরার মুখের পানে চেয়ে
থেকে বল্লে—“আমাকে অবাক করেছেো, বাঙ্গালীর মেয়ে যে
এ বুকম দুঃসাহসের কাজ করতে পারে, তা তোমাকে না দেখলে
কিছুতেই বিশ্বাস করতুম না । কিন্তু আমাকে কেন ?”

“সে অনেক কথা—দয়া করে মন দিয়ে শুনুন ।”

তিন

অরবিন্দ জানতো যে মীরা বড় মানুষের মেয়ে, দেশে তাদের ঘর-বাড়ী জায়গা-জমি, বিষয়-সম্পত্তি যথেষ্ট ছিলো, ছিলনা কেবল দেখাশুনো করবার কোন আপনার জন—অভিভাবক। তাই তার মামা অখিল সেন, বোন আর ভাগ্নীকে নিজের কাছে রাখতেন। সেই কথা মনে করিয়ে দিয়ে মীরা বল্লে—

“আমার জন্মের বছরেই বাবা মারা গেলেন। আর সেই বছরেই আমার একমাত্র কাকা এই অঞ্চলে ফরেষ্টারের চাকরি পেয়ে দেশ থেকে কাকী-মাকে আর তাঁদের বছর দেড়েকের ছেলেকে নিয়ে গেলেন। বাড়ীতে আমায় নিয়ে মা রইলেন একলা। ঠাকুরদাদার আমলের এক বুড়ো নায়েব ছিলেন, তিনিই বিষয়-সম্পত্তি আর আমাদের দেখাশুনো ক’রতেন। কিন্তু বরাতে সইলোনা—পর বছরেই তিনিও চোক বুজলেন—বাস্।”

“কেন, তোমার কাকা কি দেশে ফিরতেন না?”

খিল-খিল করে আর একবার হেসে, মীরা জবাব করলে—
“থাকলে তো?”

তারপরেই তার মুখের হাসি শুকিয়ে গেলো, গম্ভীর ধরা-

ওঃ-বাবারে!

ধরা গলায় বলে—“এই বারেই ঘটনা আরম্ভ। শুনলে ভাববেন গল্প, কিন্তু তা নয়, মার মুখে শোনা—এক বর্ণ মিছে কি মন-গড়া নয়। আর তাই, বি, এ, পরীক্ষা না দিয়েই কলেজ ছাড়তে বাধ্য হয়ে, আজ আমি একলা—এতদূরে—এখানে আপনার সন্ধান করবার জন্যে এয়েছি।”

• “আমার—আমার সন্ধান—এয়ে হৈয়ালির মতো—”

তাকে কথা শেষ করতে না দিয়ে, মীরা থপ্ করে বলে উঠলো—“ওঃ—পাগল ভাবছেন বুঝি আমাকে? আমার এ অবস্থায় তা ভাবা আপনার পক্ষে অসঙ্গত নয়, কিন্তু সব শুনলে বুঝতে পারবেন যে, জগতে যদি কেউ আমাদের উপকার করতে পারে, তো সে একমাত্র আপনি। মারও সেই ধারণা ব’লে—”

এবার অরবিন্দও তাকে বাধা দিয়ে বলে উঠলো—“থাক—থাক, তোমার ঘটনাটা বল।”

“নায়েব মশায়ের মরবার খবর পেয়ে কাকা মাকে লিখেছিলেন যে, তিনি ছুটির দরখাস্ত করেছেন, মঞ্জুর হয়ে এলেই দেশে ফিরবেন—সেই তাঁর শেষ চিঠি। তখন বর্ষার মুখ, দিন মশেক পরেই কাগজে এক খবর রটলো, যে এই দেশের ফরেষ্টার গুপ্ত-সাহেব বনের ভেতরে একটা পাহাড়ে-নদী পার হতে গিয়ে স্ত্রী আর একমাত্র বছর দুয়ের ছেলের সঙ্গে ডুবে মরেছেন। দু’দিন পরে তাঁদের স্বামী আর স্ত্রীর লাস্ পাওয়া গেছে, কেবল ছেলেটির কোন খোঁজ-খবর মেলে নি।”

কাটামুণ্ডুর দেশে

অরবিন্দের মুখ দিয়ে আর কোন কথা সর্লোনা, হতভম্বের মতো একদৃষ্টে ফ্যাল-ফ্যাল করে চেয়ে রইলো মীরার মুখের দিকে। সে বলে গেলো—“খবর পেয়ে মামা ছুটী নিয়ে আমাদের বাড়ীতে এলেন, তারপর তিনি এখানকার আফিসে খবর নিয়ে জানলেন যে ঘটনা সত্যি, কাকা আমার স-পরিবারে ডুবে মরেছেন। শেষে মামার ছুটী ফুরোতে, আমাদের বিষয়-সম্পত্তি দেখাশুনো করবার জন্তে একজন নতুন ম্যানেজার বাহাল করে, মাকে আর আমাকে সঙ্গে করে নিয়ে গিয়ে তাঁর কাছে রাখলেন। বছর কতক পরে তিনি যখন জলপাইগুড়িতে বদলি হয়ে গেলেন, তখন আপনারাও ছিলেন সেইখানে। সেই আপনার সঙ্গে আমাদের পরিচয়! সেই থেকে মা আর আমি বরাবর মামার কাছেই ছিলাম। কিন্তু আমার ম্যাট্রিক পাশ করবার পর, কলেজে পড়বার সুবিধের জন্তে, মা আমাকে নিয়ে আবার মামার কাছ থেকে ফিরে গিয়ে রইলেন দেশের বাড়ীতে। এ বছর আমার বি, এ, একজামিন দেবার কথা। কিন্তু মাস পাঁচেক আগে মামা মারা গেলেন, আর ওদিকে কাকার শালা, ভেতরে ভেতরে আমাদের সেই ম্যানেজারের সঙ্গে ষড়্ করে, হঠাৎ একদিন এসে আমাদের দু'জনকে বাড়ী থেকে বার করে দিয়ে, আমাদের যথাসর্বস্ব দখল করে বসলো। মার হাতে যা কিছু ছিলো, প্রায় সমস্তই খরচ করে আমরা যথাসাধ্য চেষ্টা করলাম, কিন্তু ফল হ'লোনা। উকীলেরা বললেন—ফরেষ্টার গুণ্ডা

ওঃ-বাবারে!

সাহেবের সেই ছেলেকে যদি পাওয়া যায় তো, ফল হতে পারে, নইলে নিরুপায়। কাজেই বাধ্য হয়ে আমাকেও পড়াশুনো ছাড়তে হলো।”

অরবিন্দ একটা লম্বা নিশ্বাস ছেড়ে বলে—“ওঃ, বড়ই দুঃখের কথা, কিন্তু সে ছেলেকে আর পাবে কোথায়? আর আমিই বা কি উপকার করিতে পারি তোমাদের?”

মীরা, জবাব না দিয়ে, নিজের জামার পকেট থেকে এক খানা খবরের কাগজের একটা পাতা বার করে, তার হাতে দিয়ে বলে—“পড়ুন।”

চার

কাগজখানা পড়েই অরবিন্দ চম্কে উঠলো, তার মুখখানাও উৎসাহ আর উল্লাসে হয়ে উঠলো উজ্জ্বল ।

কিন্তু পরক্ষণেই কি ভেবে তা আবার অন্ধকার হয়ে গেলো, সে ভাবতে-ভাবতে বলল—“দেখ, সংসারের মানুষ হঠাৎ বিশ্বাস না করলেও, এ রকম ঘটনা নতুন, কি আশ্চর্য্য, কি আজগুবী নয় । আমার জীবনেই পাহাড়-বনে অসভ্য জংল মানুষদের ভেতরে আমি তিন-চার জন শাদা চেহারার সভ্যজাতের ছেলে দেখেছি, তাদের অতি শৈশব থেকে, বানরে, ভাল্লুকে, এমন কি বাঘেও নিজের বাচ্চার সঙ্গে মানুষ করেছে । বিশেষ করে, বানরে মানুষ করেছে, এমন গল্প তো অনেক শোনা যায় । কিন্তু তাদের প্রায় সকলেই শাদা নাবিকদের ছেলে-মেয়ে । এমন একটি ছেলেবেড়া জানি যে, তার বাপ গোরা আর মা অণ্ড জাত । তাদের চেহারা ফরসা, আর দেখতে সভ্য মানুষদের মতো হলেও, তারা অসভ্য জংলীদের মতোই হয়ে গেছে । কিন্তু কোন বাঙ্গালী, ভদ্র লোকের ছেলের কথা আজ পর্য্যন্ত শুনিনি ।”

ওঃ-বাবারে!

মীরা কিন্তু অরবিন্দের কথা শুনে উৎসাহে বলে উঠলো—
“শোনেন নি বলে যে হ’তে পারেনা, তার কারণ কি? যিনি
লিখছেন তাঁর কথা কি মিথ্যা মনে করেন?”

“না, না—মিথ্যা নয়—ইনি একজন বিখ্যাত ভ্রমণকারী,
খাঁটি খবর না জেনে লেখেন নি। আমিও সহরে এই রকম
একটা গুজব শুনে এয়েছি। জলে-ডুবির পরে তোমার কাকা
আর কাকুীমার লাস্ পাওয়া গিয়েছিলো ব’ল্ছো। কিন্তু তাঁদের
দু’-বছরের ছেঁলেটির কোন খোঁজ পাওয়া যায় নি। তোমার সেই
ভাইকে বানরে কি অন্য কোন জানোয়ারে পেয়ে, নিয়ে গিয়ে
মানুষ করেছে, এ কথা মিছে কিম্বা অসম্ভব নয়। কিন্তু তা অনেক
কালের কথা, এখন সে নিশ্চয়ই খুব বড় হয়েছে, এখন তাকে
দেখতে পেলোও, সে যে তোমার সেই ভাই তা বুঝবে কিসে?”

• “তার বয়স আমার চেয়ে বছরখানেক বেশী—আন্দাজ চব্বিশ।”

“তাতে হবে না, শরীরের কোথাও কোন বিশেষ চিহ্ন আছে?”

• “আছে—তার জন্ম থেকেই বাঁ দিকের ভুরুর ওপরেই
কুলের মতো একটা আব্ ছিলো—সেটা এতদিনে বড় হয়ে
থাকবে।”

“হ্যাঁ, এটা ভালো প্রমাণ বটে, কিন্তু মানুষটিকে পেলোও
দেখবে, সে জংলা—বেজায় অসভ্য। তাকে এখন এদের কাছ
থেকে নিয়ে যাওয়া যেমন কঠিন, তাকে অন্ততঃ কতকটা সভ্য
করে তুলে, আদালতে প্রমাণ করা তার চেয়ে সহজ হবেনা।”

কাটাশুণ্ডের দেশে

ব'লে, অরবিন্দ হতাশ ভাবে একটা লম্বা নিশ্বাস ছাড়লে। মীরা কিন্তু ভরসা দিয়ে উৎসাহে ব'লে উঠলো—“সে সমস্ত ভার নেছেন আমাদের এ্যাটর্নী, আমাদের শুধু এই মানুষটির সত্যি কারের খাটি খবর নিয়ে গিয়ে দেওয়ার সম্পর্ক—বাস্ ! তারপরে মোকদ্দমায় জিতলে বিষয়ের অর্ধেক দিতে হবে তাঁকে।”

“যদি ঠিক মানুষটিকে পাওয়া যায়, তবে না ?”

“হ্যাঁ, কিন্তু না পাওয়া গেলেও আমাদের আর বেশী ক্ষতি কি ? আমরা তো সর্বস্বান্ত হয়ে পথে বসেইছি, অভাবে প'ড়ে আমার পড়াশুনো পর্যন্ত ছেড়ে দিতে হয়েছে। এখন যদি কোনো রকমে এই খবরটা সন্ধান করে নিয়ে গিয়ে দিতে পারি, তো—সেই একমাত্র ভরসা ! আর তা কেবল পারেন একমাত্র আপনি, নইলে মা বলেন—জগতে এমন বন্ধু আমাদের আর কেঁউ নেই—”

বাধা দিয়ে, অরবিন্দ জিজ্ঞাসা ক'রলে—“তিনি এখন কোথায় ?”

“নাগাপত্তনে আমার এক বন্ধুর বাড়ীতে তাঁকে রেখে, তাঁর কথা মতো আপনার সন্ধানে বেরিয়েছি।”

‘তুমি অনেক ঘুরে এয়েছ, এখান থেকে নাগাপত্তনের সোজা পথ আছে পশ্চিমের ওই পাহাড়-জঙ্গলের ভেতর দিয়ে, মাঝে-মাঝে কাঠুরেরাও যাওয়া-আসা করে। তুমি ফিরে গিয়ে তাঁকে বল যে, এ ভার আমি নিলুম, যত শীগ্গির পারি, খবর নিয়ে গিয়ে হাজির হবো।’

ওঃ-বাবারে!

মীরা সঙ্গে থাকতে চাইলেও অরবিন্দ কিছুতে রাজী হলোনা, তখন সে ফিরে যাবার জন্যে উঠলো, কিন্তু অরবিন্দ বাধা দিয়ে বললে—“তা হবে না, বেজায় পরিশ্রম করে এখানে এয়েছো, আজ রাত্তিরে আমার তাঁবুতে ঘুমিয়ে জিরিয়ে নাও, কাল সকালে আমি সঙ্গে গিয়ে নিরাপদ জায়গা পর্য্যন্ত পৌঁছে দিয়ে আসিবো। আজ রাত্তিরটা ঘুমিয়ে জিরিয়ে নাও।”

“আর, আপনি?”

“আমি আজ শোব না, এখানে এক রকম শাদা হরিণ দেখেছি, চাঁদ উঠলেই জলার-ধারে গিয়ে বসবো তাদের একটাকে বাগাবার চেষ্টাতে।”

মীরা কেবল মনে-মনে একটু হাসলে। তারপর খাওয়া-দাওয়া চুকে গেলে, অরবিন্দ বন্দুক নিয়ে বনের ভেতরে চলে গেলো, আর মীরা তাঁবুতে ঢুকে শুয়ে পড়লো তার ক্যাম্প-খাতে।

পাঁচ

ঘণ্টা চারেক একভাবে গভীর ঘুমের পর, মীরা যখন হঠাৎ জেগে উঠলো, তখন তার সমস্ত শ্রান্তি দূর হয়ে গেছে। সে তাড়াতাড়ি উঠে বাইরে গিয়ে দেখলে—কৃষ্ণপক্ষের ষষ্ঠীর চাঁদ এয়েছে মাথার ওপরে। রাত আন্দাজ দুটো ঠিক করে, সে আর মোটেই দেরী করতে ভরসা ক'রলে না, তাড়াতাড়ি ঘোড়াটাকে ঠিক করে নিয়ে, চড়ে বসেই, হাঁকিয়ে দিলে—অরবিন্দের দেখানো নাগাপত্তনের পথে।

ওদিকে চাঁদ ওঠবার সঙ্গে-সঙ্গে আকাশে একটু একটু করে মেঘ উঠে যে চাঁদের সঙ্গে লুকোচুরি খেলতে শুরু করেছিলো, সে দিকে মীরার নজর ছিলনা মোটেই, সে এগিয়ে যেতে-যেতে কেবলই ভাবতে লাগলো—পাছে অরবিন্দ এসে তাকে ধরে, ভাবতে-ভাবতে মীরা বনের আলো-ছায়ার ভেতর দিয়ে ঘোড়াটাকে অন্তমনস্ক ভাবে চালাতে লাগলো সাধ্য মতো জোরে।

কিন্তু সে যে কতক্ষণ সেই ভাবে ঘোড়া ছুটিয়ে চলেছে তেদিকে তার খেয়ালই রইলো না। হঠাৎ এক জায়গায় ঘোড়াটা থ'মকে

ওঃ-বাবারে !

দাঁড়াতে, সে চম্কে উঠে আশ্চর্য্য হয়ে চেয়ে দেখলে যে, চারদিকেই এমন গাছ-পালা আর ঝোপ-ঝাপের আটক যে, তার ভেতর দিয়ে ঘোড়া চালিয়ে নিয়ে যাওয়া মুশ্কিল । বাধ্য হয়ে ঘোড়া থেকে নেমে, চাবুক, রিভলভার, ঘোড়ার পিঠের জিনে গুঁজে রেখে তার মুখের রাশ ধরে সাবধানে বার করে নিয়ে যেতে লাগলো অস্তি কষ্টে ঝোপ-ঝাপের ফাঁক দিয়ে ।

তারপরে সে অনেকটা ফাঁকা জায়গাতে বেরুলো বটে, কিন্তু আশ্চর্য্য হয়ে দেখলে যে, সারা আকাশ এমন ভয়ানক কালো মেঘে ছেয়ে গেছে। যে, সকাল হলেও তা বোঝবার যো নেই । সে ঘোড়াটাকে ছেড়ে দিয়ে দাঁড়িয়ে উপায় ভাবতে লাগলো ।

ঘন-ঘন বিদ্যুতের চক্ৰকানিতে চোখ ঠিকরে দিচ্ছিলো, সঙ্গে সঙ্গে বাতাসেরও জোর বেড়েছিলো খুব । হঠাৎ সারা বন আলো করে—আকাশের এক দিক থেকে আর এক দিক পর্য্যন্ত—একটা লম্বা বিদ্যুত চম্কে গেলো, আর মিনিট খানেক না কাটতেই এমন সাংঘাতিক আওয়াজ করে একটা বাজ পড়লো কাছে, যে মীরা থর্-থর্ করে কেঁপে চোক না বুজিয়ে থাকতে পারলে না । সেই শব্দে বেজায় ভয় পেয়ে, ঘোড়াটাও হঠাৎ এমন ভাবে লাফিয়ে উর্দ্ধশ্বাসে ছুটে পালালো যে, সে চোক চেয়ে আর তার চিহ্নও দেখতে পেলেনা । তারপরেই শুরু হলো মুঘলধারে ঝামুঝমু বৃষ্টি ।

মীরা একটা ঝাঁকুড়া গাছের গোড়াতে গিয়ে দাঁড়ালো বটে,

কাটামুণ্ডের দেশে

কিন্তু বৃষ্টির ধারা আর বাতাসের ঝাপটা এড়াতে পারলেনা। তার পোষাক ভিজে মাথা থেকে পা পর্যন্ত জল গড়াতে লাগলো। দর্-দর্ করে। ঠাণ্ডা বাতাসে কাঁপুনী ধ'রে, দাঁতগুলোতে ঠক্ ঠক্ করে আওয়াজ হতে লাগলো। ঘোড়ার সঙ্গে-সঙ্গে, তার শুকনো জামা, টুপি, পথের সামান্য খাবার, রিভলভার, পয়সা কড়ি—যা কিছু সম্বল ছিলো—সমস্ত হারিয়ে জীবনের আশা ছেড়ে দিয়ে, প্রায় অজ্ঞানের মতো দাঁড়িয়ে রইলো।

কতক্ষণ যে সেই ভাবে কাটলো, তার হুঁস রইলোনা, হঠাৎ—জোরে-জোরে ঝোপ নড়ার শব্দে চমকে চেয়ে দেখলেন তার সামনে, মাত্র পাঁচ-ছয় হাত তফাতে, দাঁড়িয়ে বিকট চেহারার এক অসভ্য জংলা মানুষ! গায়ের রং চক্চকে তামার মতো, পরণে—কোমর থেকে হাঁটু অবধি—বাঘের চামড়ার মতো। কোন কিছু, চুল বেজায় ঘন উস্কো-খুস্কো—সজারুর কাঁটার মতো, চোখ দুটো রাঙা—গোল—বড় বড়, কপাল ছোট; চেহারা যেমন জোরালো—তেমনি ষণ্ডা, মুখের চেহারা তেমনি নির্ভর—ভয়ানক! পিঠে বাঁধা ধনুক আর তুণ, হাতে টাঙ্গী আর একটা তীক্ষ্ণ বল্লম, কোমরে একখানা ধারালো মস্ত ছোরা! •

ছয়

• সেই অবস্থায় সেই মূর্তি সামনে দেখে মীরার প্রাণ উড়ে গেলো, চকিতে কোমরে হাত দিয়ে রিভল্ভার নিতে গিয়ে, মনে পড়লো, তার একমাত্র আত্মরক্ষার উপায় ঘোড়ার সঙ্গে উধাও হ'লে গেছে! ভয়ের একটা অস্ফুট শব্দ মুখ দিয়ে বেরোতে যাচ্ছিলো, কষ্টে তা চেপে রেখে, বাইরে ভরসা দেখিয়ে, গস্তীর আওয়াজে জিজ্ঞাসা ক'রলে—“তোম্ কোন্—কেয়া মাংতা?”

কিন্তু ধমকটা ফুটলো না, বরং গলাটা একটু কেঁপে গেলো। লোকটা কিন্তু জবাব করলে না, কেবল গস্তীর ভাবে মাথা নুইয়ে সেলাম করলে, তারপরে হাতের বল্লম তুলে, সঙ্গে আসবার জন্তে ইসারা করে, নিঃশব্দে এগিয়ে চলো—ঝোপ জঙ্গলের ভেতর দিয়ে—পথ দেখিয়ে আগে-আগে। দায়ে পড়ে, নেহাৎ নাচার হয়েই মীরাকেও যেতে হলো তার পেছনে-পেছনে।

ঝড়-ঝুপুটি থেমে গিয়েছিলো, কিন্তু মেঘের ভার একেবারে কাটেনি। গাছপালার ওপর থেকে যেমন জলের ফোঁটা ঝরে পড়ছিলো টপ-টপ করে, নীচেও তেমনি চারদিকেই জলের মৃদু স্রোত চলেছিলো ঐকে-বঁকে। প্রায় মিনিট দশেক পর্যন্ত তার

কাটামুণ্ডের দেশে

ভেতর দিয়ে ঘুরে-ফিরে, লোকটা, মীরাকে সঙ্গে করে নিয়ে গিয়ে দাঁড়ালো একটা মাঝারি গোছের পাহাড়ের গোড়াতে। তারপরে এক জায়গার কতকগুলো ডালপালা আর গোটাকতক বড় বড় পাথর সরিয়ে, সে, আবার মীরাকে ঢোকাবার ইসারা করে, ঢুকলো তার ভেতরে। মীরাও সাহসে ভর করে ঢুকে দেখলে—সেটা একটা সুন্দর গহ্বর— বেশ পরিষ্কার-পরিচ্ছন্ন। তার একধারে একটা আগুনের কুণ্ডে অল্প-অল্প আগুন রয়েছে, তার কাছেই আছে এক বোঝা শুকনো ডাল-পালা কাঁড়ি করা, আর অল্প দূরে কোণের দিকে খান দুই কন্ডল জড়ো করা পড়ে রয়েছে।

লোকটা সেই কুণ্ডে আগুন জালিয়ে দিয়ে, মীরাকে ইসারা করে থাকতে বলে, নিজে বাইরে বেরিয়ে গেলো। ঠাণ্ডাতে মীরার সর্ব্বাঙ্গ প্রায় আড়ষ্ট হয়ে গিয়েছিলো, আগুন পেয়ে যেন বেঁচে গেলো, গা-মাথা, পোষাক-জুতো শুকিয়ে নিয়ে, কোণের জড়ো করা কন্ডলগুলোর ওপরে জিরোতে বসে, দারুণ কষ্ট আর পরিশ্রমে কখন যে ঘুমিয়ে পড়লো তা জানতেই পারলে না।

হঠাৎ বাইরের দিক থেকে একটা ডাকে তার ঘুম ভেঙ্গে গেলো, কাণ পেতে শুনে, কে চৈচিয়ে ডাকছে—“মেম্ সাব্ব ৯”

এতক্ষণে, মীরার মনে যে টুকু ভয় বা সন্দেহ ছিলো, সেই ডাক শুনে তা ঘুচে গেলো, ভাবলে—মেম ভেবেই জংলী মানুষটা কোন রকম অত্যাচার করতে ভরসা করেনি, বরং সেবা করছে যথেষ্ট। তাড়াতাড়ি গুহার মুখে গিয়ে বলে—“ঠিক হয়।”

ওঃ-বাবারে !

লোকটা গুহার মুখে ডালপালা ঢাকা দিয়ে চলে গিয়েছিলো, মীরার জবাব পেয়ে তাড়াতাড়ি সেগুলো আবার সরিয়ে ফেলে, ভেতরে ঢুকলো টিনের কেটলিতে চা, একটা টিনের বাটী আর টিনের থালাতে কতকগুলো রাঁধা মাংস নিয়ে। মীরা বাইরে মুখ বাড়িয়ে দেখলে—সামনেই অল্পদূরে একটা ঝাঁকড়া গাছের তলাতে তখনো অল্প-অল্প আগুন জ্বলছে, আর তার কাছেই ছড়ানো রয়েছে রাঁধবার সামান্য জিনিসপত্র।

ভেতরে খাবার আর চা রেখে দিয়ে লোকটা তখনি আবার বেরিয়ে এলো। দারুণ ক্ষিদেতে মীরার সর্বাস্ব তখন ঝিম্ ঝিম্ ক'রছিলো, খেয়ে যেন নতুন জীবন পেলো। তারপরে গুহার ভেতর থেকে সে যখন বেরিয়ে এলো, তখন লোকটা আবার ভেতরে ঢুকে, সেই সব গুছিয়ে রেখে এসে সেলাম করে দাঁড়ালো।

দুপুর পার হয়ে গেছে দেখে মীরা বললে—“নাগাপত্ন ক। সিধা পথ দেখ্‌লাও।”

লোকটা একবার হাতের বল্লম তুলে—আশে পাশে ঘুরিয়ে দূরের পাহাড় গুলোর দিকে কি দেখিয়ে দিলে, তারপরে নিঃশব্দে পথ দেখিয়ে চললো আগে আগে।

সাত

বনের ভেতর দিয়ে—আঁকা-বাঁকা পথে—প্রায় ঘণ্টাখানেক ঘুরে-ফিরে চলবার পরে, তারা গিয়ে পড়লো—বেজায় ঘন ঝোপ-জঙ্গল আর বড় বড় ঝাঁকড়া গাছে ঢাকা পাহাড়-রাজ্যের ভেতরে। মীরা আশ্চর্য্য হয়ে দেখলে যে, চারদিকের গাছপালা এমন ঘন, ঝাঁকড়া আর ডালে-ডালে পাতায়-পাতার জমাট যে, স্পষ্ট করে আকাশ দেখবার যো নেই। তার ওপর পথটার দু'ধারেই—বড় বড় গাছের গোড়াতে আবার মানুষ ভোর উঁচু ঘন ঝোপ হয়ে, বেড়ার মতো যেমন ঘিরে রেখেছে, তেমনি আবার অগুণ্টি বুনো লতা তাদের জড়িয়ে উঠে, ঝোপের মাথাগুলোর ওপরটা ছেয়ে ফেলেছে চালের মতো করে। সেই আশ্চর্য্য ব্যাপার দেখে ফুর্তিতে মীরার মুখ দিয়ে আপনা-আপনি বেরিয়ে গেলো—“বাঃ, বাঃ,—কি সুন্দর প্রকৃতির নিজের হাতে গড়া গলি-পথ, না—না—পাহাড়ের টানেলের’—সুড়ঙ্গের—মতো বনের সুড়ঙ্গ।

ও-বাবারে !

কিন্তু ফুর্তি তার বেশীক্ষণ রইলো না । সেই পথে ঢোকবার সময় থেকেই মাথার ওপর থেকে নানা রকমের আশ্চর্য্য কিচির-মিচির শব্দ কেবলই কাণে আসছিলো, তার ওপর বড় বড় ঝাঁকড়া গাছগুলোর ওপরে মাঝে-মাঝে এমন প্রলয়ের মাতামাতি হচ্ছিলো যে, একবার চম্কে উঠে মীরা ভয়ে ভয়ে জিজ্ঞাসা ক'রুলে—“ও কেয়া ?”

লোকটা, মাথার ওপরের লতা-পাতার ফাঁক দিয়ে, কেবলই দেখবার চেষ্টা ক'রছিলো, গম্ভীর গলায় জবাব করলে—“বেল্কুল্ হুমন্ হারামি লাল বন্দর !”

“লাল বান্দর আমি কখনো দেখিনি, কিন্তু এর ভেতর থেকে দেখবারও উপায় নেই ।” বলে, মীরা ওপর দিকে চেয়ে ডাল-পালার ফাঁক দিয়ে দেখবার চেষ্টা করতে করতে এগিয়ে যেতে লাগলো । কিন্তু খানিকটা গিয়েই হঠাৎ থর্ থর্ করে কেঁপে ভয়ে আড়ষ্ট হয়ে দাঁড়ালো, তার মুখ দিয়ে বেজায় ভয়ে বেরিয়ে গেলো—“ওঃ বাবারে—কী—ও ?”

লোকটা চার-পাঁচ হাত এগিয়ে গিয়েছিলো, চম্কে ছুটে মীরার কাছে এসে ওপর দিকে চেয়ে দেখলে—পাতার ফাঁকে সাংঘাতিক রকমের অস্বাভাবিক মানুষের মতো একটা মুখ তাদের দিকে চেয়ে রয়েছে—চোখ-ছুটো দিয়ে শয়তানের উল্লাস যেন ঠিকরে বেরোচ্ছ !

সঙ্গের জংলী লোকটা তাড়াতাড়ি ধনুকে তীর জুড়ে মারচ্ছ

গিয়ে আশ্চর্য্য হয়ে দেখলে—মুখখানা আর সেখানে নেই। বলে উঠলো—“কেয়া তাজ্জব !”

মীরা জিজ্ঞাসা করলে—“কেয়া—শয়তান ?”

“হো সক্তা—ডর্ নেই।” বলে, লোকটা মীরা কে এগিয়ে যেতে ইসারা করে, নিজে চললো পাশের ঝোপ-ঝাপের ভেতর দিয়ে—লতা পাতা ছিঁড়ে—ঠেলে—ফাঁক করে ওপরে দেখতে দেখতে সেই দিকে এগিয়ে। খানিকটা যাবার পরে মীরা তাকে আর দেখতে পেলো না, কেবল একবার কথা শুন্তে পেলো—“আদমি-বন্দর !”

“আদমি-বন্দর” শুনেই মীরার হঠাৎ ভাইয়ের কথা মনে হ’লো, চেষ্টা করে ছকুম ক’রলে—“মারো মৎ পাকড়ানেকো ফিকির কর।”

কিন্তু পাকড়াবে কি, হলো এক সাংঘাতিক ব্যাপার ! সামনেই একটা ঝাঁকড়া গাছের মোটা ডাল ঝুলে পড়েছিলো ঝোপগুলোর ওপরে। সেইখানে যেতেই, হঠাৎ অতি বিকট একখানা মুখ চেকের পলকে—বাতুড়ের মতো ঝুলে পড়লো মীরার মুখের কাছে আর সঙ্গে সঙ্গে দু’খানা বেজায় জোরালো হাত মীরার দুই বগলের কাছে ধরে পুতুলের মতো ঝুলিয়ে তুলে নিলে, ঝোপের মাথার ডালপালা ছিঁড়ে একেবারে ঝাঁকড়া গাছটার ওপরে !

আট

মীরা ভয়ে চোঁচিয়ে উঠে, প্রাণপণে চেষ্টা ক'রতে লাগলো নিজেকে ছাড়াবার জন্যে, কিন্তু সেই অশুরের মতো মানুষ-বান্দরের জোরে তো পারলেই না, বরং তার বড় বড় ধারালো নখে মীরার পোষাকের সঙ্গে গা-হাত অনেক জায়গাতেই ছিঁড়ে গেলো। সে মীরাকে দু'হাতে পুতুলের মতো চোখের সামনে তুলে ধরে, দেখতে-দেখতে, এমন বিকট হাসতে লাগলো, যে, ভয়ে মীরার প্রাণ উড়ে গেলো, তাড়াতাড়ি চোক বুজিয়ে দু' হাতে এলোপাথাড়ি ঘুষো ঢালাতে লাগলো তার মুখের দিকে, কিন্তু ফল হলো না।

সেই সময়ে, মানুষ-বান্দরটার পেছন থেকে চুপিসাড়ে ডান বেয়ে এসে, হঠাৎ কে একজন জোরে চেপে পড়লো তার ঘাড়ের ওপরে। মানুষ-বান্দরটা আচম্কা বিকট চোঁচিয়েই, পেছন ফিরে দেখতে গিয়ে—পারলে না। দায়ে পড়ে, মীরাকে এক হাতে ধরে রেখে, অন্য হাতখানা খুলে নিয়ে ঘুরিয়ে মারতে গেলো তাকে। মীরাও চমকে চোক মেলে দেখলে যে, তারই সঙ্গী জংলা মানুষটা এসে মানুষ-বান্দরটাকে মারবার চেষ্টা ক'রছে!

কাটামুণ্ডের দেশে

মীরার ভরসা বেড়ে গেলো অনেকখানি, সেও সঙ্গে-সঙ্গে আবার চেষ্টা ক'রতে লাগলো, প্রাণপণে যুষো চালিয়ে নিজেকে ছাড়িয়ে নেবার জন্যে। তিনজনের বিষম ছটোপাটি চ'ললো মোটা ডালটার ওপরে। কিন্তু কারুরই নজরে প'ড়লো না যে, মানুষ-বাঁদরের বিকট চীৎকার শুনে, সাংঘাতিক চেহারার প্রকাণ্ড প্রকাণ্ড এক দল লাল বাঁদর, রাগে গর্জন ক'রতে ক'রতে, সেই দিকে ছুটে আসছিলো—বড় বড় বাঁকড়া গাছগুলোকে ঝুঁক'তে-ক'রতে।

হঠাৎ সেই আওয়াজে তিন জনে চমকে চাইলে সেই দিকে, আর অশ্রুমনস্কে মানুষ-বাঁদরের হাতখানা একটু আলগা হতেই মীরাও ধপ্ করে খ'সে পড়ে গেলো মাটিতে। মানুষ-বাঁদরটাও সঙ্গে-সঙ্গে লাফিয়ে প'ড়তে যাচ্ছিলো, কিন্তু জংলা মানুষের জোর যুষো খেয়ে ফিরলো সেই দিকে।

আবার গাছের ওপরে দু'জনের মারামারি—ছটোপাটি চললো, ওদিকে লাল বাঁদরের দলও এসে পড়তে লাগলো কাছে। কিন্তু পরক্ষণেই দু'জনে জড়াজড়ি করে নীচে প'ড়ে গেলো। সঙ্গে-সঙ্গে, জংলা মানুষটার মাথা ভেঙ্গে খুলিটা যেন খ'সে গিয়ে ঠিকরে পড়লো তফাতে। মীরা শিউরে উঠে চোক বুজলে।

কিন্তু তারপরে সে যখন আবার চাইলে, তখন তার বিশ্বাস হলোনা নিজের চোককে। মনে হলো—হয় স্বপ্ন, নয়তো দেখছে কোন ভোজবাজীর কাণ্ড! সে স্পষ্ট দেখলে যে, মানুষ

ও:-বাবারে !

বাঁদরটাকে চিৎ করে শুইয়ে ফেলে, দু' হাতে তার গলা চেপে ধরে
জংলা মানুষটা বসেছে তার বুকের ওপরে, কিন্তু মানুষটার
মাথার যেখান থেকে অতবড় চুলস্বন্ধ খুলিটা খসে গিয়ে তফাতে
ঠিকরে পড়েছিলো, সেখানে আবার সেই খুলি গিয়ে জোড়া
লেগে তাতে দিবি আঁচড়ানো—তেড়ি কাটা—সুন্দর কৌকড়ানো
চুল বেরিয়েছে যেন কোন মস্তুরের জোরে ! আবার সুধু তাই
নয়, চুলের নীচে—মুখের কালো রঙের ওপরে—সুন্দর গৌরবর্ণ
কপালের অনেকখানি, কালো মেঘে বিদ্যুতের মতো চক্ চক্
করছে ! মীরার মুখে আর কথা ফুটলো না, হতভম্ব হয়ে এক
দৃষ্টে চেয়ে রইলো সেই দিকে ।

তার দিকে চেয়ে, জংলা মানুষটা, হাসি চেপে বলে—“ইধার
আইয়ে মেম্ সাব, কুচ ডর্ নেহি, ভালা কর্কে দেখিযে
তো—”

লোকটার কথা শেষ হলো না, মীরা এবার চ'ম্কে লাফিয়ে
ব'লে উঠলো—“এঁা—এঁা—কি ব্যাপার ! কী আশ্চর্য—
আ—প—নি—?”

“তবু ভাল যে, এতক্ষণের পরে চিন্তে পারলে ! ভাগ্যে—
ধস্তাধস্তিতে মাথার পরচুলটা খসে পড়েছিলো, নইলে সত্যিকারের
অসভ্য জংলা মানুষের হাতে প'ড়লে কি ক'রতে বল দেখি ?
না ব'লে রাতিরে একলা পালিয়ে এসে কী সাংঘাতিক দুঃসাহসের
কাজ—”

কাটামুণ্ডের দেশে

আবার তার কথায় বাধা দিয়ে মীরা ব'লে উঠলো—“আর গজ্জা দেবেন না, যথেষ্ট শিক্ষা—”

এবার হো-হো করে হেসে, অরবিন্দ তার কথায় বাধা দিয়ে বলল—“থাক্, আর ও কথা নয়, মনে রেখো—এখন আমি সেই জংলা মানুষ—তোমার আরদালি। এবার এর দিকে দেখ দেখি—তোমার খুড়োর ছেলে কি না? এরও বাঁ দিকের ডুরুর ওপরে একটা বড় আব রয়েছে। ভয় নেই, আমি যুষুৎসুর পাঁচের ওকে কাবু করে রেখেছি—কোন অনিষ্ট করতে পারবে না।”

মীরা কাছে গিয়ে বেশ করে দেখে আহলাদে বলে উঠলো—“ধন্য ঈশ্বর! এ সেই বটে, ওই আব ছাড়াও এই দেখুন আর একটা চিহ্ন। এক বছর বয়সে একবার সাংঘাতিক পড়ে গিয়ে ডান কাণের নীচের মাংসটা দু'ভাগ হয়ে কেটে গিয়েছিলো, ওই দেখুন—এরও ডান কাণের নীচের মাংসটুকু দু'-ভাগ করা।”

ঠিক সেই সময়ে লাল বাঁদরের দল হল্লা করে এসে পড়লো—ওপরের ঝোপ-ঝাপ আর গাছের মাথাতে। মীরা কেঁপে উঠলো। অরবিন্দ মানুষ-বাঁদরটাকে ছেড়ে লাফিয়ে সরে গিয়েই, ভাডাভাড়ি পরচুলটা তুলে নিয়ে আবার মাথায় দিলে, তারপরে কাপড়ের নীচে থেকে লুকানো রিভলভার বার করে দাঁড়ালো মীরাকে আড়াল করে।

মানুষ-বাঁদরটা ততক্ষণ তেমনি চুপ করে শুয়ে রইলো, তারপরে গোটা দুই লালবাঁদর সেই মোটা ডালটাতে এসে,

কাটামুণ্ডের দেশে .

নীচের দিকে মাথা ঝুঁকিয়ে যেমন গর্জন করতে লাগলো, অমনি সে-ও, প্রথমটা আন্তে-আন্তে উঠে ব'সে, তারপরে তড়াক্ করে এক লাফে উঠে গেলো আবার সেই গাছটার ওপরে ।

কিন্তু, তবুও বাঁদরের দল ঠাণ্ডা হলো না, বরং হুগ্গা তাদের আরো বাড়তেই লাগলো । শেষে, নিরুপায় হয়ে, অরবিন্দ যখন বীরকতক রিভলভার ছুড়লে ওপরের দিকে, তখন তারাও তেমনি হুগ্গা ক'রতে-ক'রতে চলে গেলো দূরে । অরবিন্দ মীরাকে সঙ্গে করে দশ পনেরো মিনিট ধরে ঝোপের ভেতর দিয়ে গিয়ে শেষে বার হলো অনেকটা ফাঁকা জায়গাতে ।

নয়

সন্ধ্যা হবার বেশী দেরী ছিল না দেখে, দু'জনে তাড়াতাড়ি চলতে লাগলো। খানিক পরে একটা উঁচু জায়গা—টিলা—পার হতে গিয়ে মীরা আশ্চর্য্য হয়ে ব'লে উঠলো—“দেখুন, দেখুন, বনের গাছ-পালার ফাঁক দিয়ে শাদা মতো দেখা যাচ্ছে কী ও?”

অরবিন্দ হেসে বললে—“তুমি ভেবেছিলে, যে আমার কাছ থেকে পালিয়ে নাগাপত্তনের পথে অনেক দূরে গিয়ে পড়েছ, কিন্তু তা নয়, অজানা বনে পথ ভুলে আমার কাছ থেকে তিন-চার মাইলের ভেতরেই ঘুরেছ, তার প্রমাণ দেখ, ওটা আমারই তাঁবু। এই সব উঁচু-নীচু পাহাড়-বনের ভেতর দিয়ে পথ ঠিক করে চলা বড় কঠিন।”

মীরা নেমে এসে জিজ্ঞাসা করলে—“কিন্তু সে বানরের দলটা গেলো কোথায়, কোন দিকে তো তাদের চিহ্ন পর্য্যন্ত দেখতে পেলুম না?”

“মনে হয় এই অঞ্চলেই তাদের আড্ডা, কিন্তু তাঁবুর কাছে আসতে ভরসা ক'রবে না।”

ব'লে অরবিন্দ মীরার দিকে চেয়ে হাসলে। কিন্তু তার সে বিশ্বাস উল্টে যেতে দেরী হলো না। রাত্রে মীরাকে তাঁবুর

ওঃ-বাবারে !

ভেতরে শুতে দিয়ে, নিজে গিয়ে রইলো পাশের দিকে, অল্প তফাতে, চাকরদের—পরদার-ছপ্পরের—সামনে একটা গাছের তলাতে ।

কাছেই আগুনের কুণ্ডটা জালিয়ে দিয়ে অরবিন্দ বন্দুক হাতে বসে পাহারা দিতে লাগলো ; রাতও বেড়ে চল্লো চারদিকে অন্ধকার ঢেলে দিয়ে । গভীর রাত্রে ক্ষীণ চাঁদ উঠে জায়গাটা যখন একটু ফরসা হয়ে এলো, তখন—ঘুম ছাড়াবার জগ্গে—সে একবার উঠে, তাঁবুর চারদিকে ঘুরে-ফিরে এসে, আবার বসলো সেইখানে গাছের গায়ে ঠেসান দিয়ে । তারপরে কখন যে ঘুম এসে একটু একটু করে তার চোক দুটিকে বুজিয়ে দিলে তা সে জানতেই পারলে না ।

হঠাৎ মীরার চীৎকারে অরবিন্দের ঘুম ভেঙ্গে গেলো, সঙ্গে-সঙ্গে তাঁবুর পেছন দিক থেকে চাকর দু'জনেরও হৈ-হৈ চীৎকার উঠলো । সে ধড়মড়িয়ে জেগে উঠে, উঠি-পড়ি ক'রে বন্দুক হাতে ছুটলো সেই দিকে ।

ভোরের আলোতে তাকে দেখেই চার-পাঁচটা বড়-বড় লাল বাঁদর লাফিয়ে ছুটে পাঁালালো দূরে—দূরে । তার মনে হলো—মীরার সেই বাঁদর-ভাইও রয়েছে সেই সঙ্গে । সে হতভম্ব হয়ে দেখলে, তাঁবুর পেছনকার দোরের পরদা—কানাৎ—ছেঁড়া, আর সেই-খানে ক্যাম্প-খাটে বসে মীর ভয়ে কাঁপছে ঠক্ ঠক্ করে ।
'জিজ্ঞাসা ক'রলে—“ব্যাপার কি ?”

কাটামুণ্ডের দেশে

মীরা জবাব ক'রলে,—“কিছুই জানি না, অঘোরে ঘুমোচ্ছিলুম। হঠাৎ একটা ঝাঁকানি খেয়ে জেগে দেখি কতকগুলো বাঁদর মিলে খাট স্লুদ আমাকে তুলে নিয়ে চলেছে—সঙ্গে আমার সেই ভাই। সেই সময়ে এরা দু'জন হুটে এসে প'ড়তে, খাটখানাকে এইখানে ফেলে, তারা রুখে দাঁড়ালো, কিন্তু পালালো না। সেই সময়ে পাশ থেকে আবার আমার ভাই এলো আমাকে ধ'রতে। বেজায় ভয়ে আমি টেঁচিয়ে উঠলুম। তার পরেই আপনি এসে পড়েছেন।”

ঝপ্‌সি বললে—“হামারা লাঠি ছিন্‌ লিয়া, হুজুর!”

হররাজ বললে—“হামকো এত্তা বড়া পথর্ লেকে মাবণে আয়াথা, হামবি লাক্‌ড়ি চালায়া, লাগা নেহি, হঠকে খাড়া হুয়া। পিছু আপকো বন্দুক দেখকে ভাগা।”

“নেহি ভাগা, উ পাহাড়পর জমা হোতা, দেখিয়ে!”

ব'লে, ঝপ্‌সি সেই টিবিটার দিকে দেখিয়ে দিলে। অরবিন্দ আশ্চর্য্য হয়ে দেখলে, বাস্তবিকই ছায়ার মতো অস্পষ্ট কতকগুলো চেহারা গিয়ে জমছে সেইখানে। তাড়াতাড়ি বন্দুক তুলে বার দুই সেই দিকে গুলি ক'রলে।

পরক্ষণেই চেহারাগুলো সেখান থেকে অদৃশ্য হলো। মীরা একটা লম্বা নিশ্বাস ছেড়ে বললে—“ওঃ, কি সাংঘাতিক কাণ্ড! ওদের রাগ এখনো যায়নি।”

“হতে পারে, কিন্তু আমার মনে হয় অন্য কারণ আছে।”

ওঃ-বাবারে !

“আর কি কারণ ?”

অরবিন্দ ভেবে বলল—“দেখ, তোমার ভাই এখন পশুর ধর্ম—পশুর স্বভাব পেয়েছে। কিন্তু মানুষ তো, ভগবানের দেওয়া রক্তের টান যাবে কোথায়? তোমাকে দেখে অবধি ওর মনে বোধ করি কেমন একটু আকর্ষণ জেগেছে, ও তা বুঝতে না পারলেও, কিছুতে সরে যেতে পারছে না, সেই টানে পড়ে, তোমাকে নিয়ে যাবার চেষ্টাতে দল নিয়ে পেছনে-পেছনে ঘুরছে।”

“ওঃ—বাবারে ! বলেন কি ! তা’হলে তো আর আমার—”

“এখানে থাকা—মোটাই নিরাপদ নয়। তাই আমিও ভাবছি যে, তোমাকে আজই নিরাপদ জায়গায় পৌঁছে দিয়ে আসবো। আর যখন ঠিক খবর পাওয়া গেলো, তখন তাড়াতাড়ি ফিরে গিয়ে তোমাদের এ্যাটর্নীকে খবর দেওয়া উচিত। একলা কোন শিকারীই ওকে এদের কাছ থেকে ধরে নিয়ে যেতে পারবে না। তিনি যদি রীতিমতো বন্দোবস্ত করে, লোক-জন সঙ্গে দিয়ে অন্ততঃ আর একজন ভালো শিকারী এখানে পাঠাতে পারেন, তা’হলে আমি তোমার ভাইকে ধরে নিয়ে যাবার ভার নিতে পারি।”

ব’লে অরবিন্দ কথা শেষ ক’রলে। তারপর সেই দিনেই দু’পরের আগে সেখান থেকে তাঁবু তুলে, মীরাকে নিয়ে চলল নাগাপত্তনের পথে।

দশ

মাইল চারেক যাবার পরে হঠাৎ কেমন একটা এক ঘেয়ে সুরের মতো যুহু আওয়াজ, সামনের দিক থেকে ক্রমেই এগিয়ে আসতে লাগলো তাদের দিকে। শেষে সমস্ত আকাশ-বাতাস ভরে গেলো—ঝড়ের মতো—বোঁ-বোঁ সুরে !

পাশে—অল্প দূরেই—একটা টিলা ছিলো। অরবিন্দ মীরা কে নিয়ে ছুটে গিয়ে উঠলো তার ওপরে। দু'জনেরই নজরে পড়লো,—দূরে, সামনের দিকের আকাশ অনেকখানি ছেয়ে ফেলে, একখানা কালো মেঘ যেন হু হু করে ছুটে আসছে তাদের দিকে। মীরা হঠাৎ চোঁচিয়ে উঠলো—

“দেখুন, দেখুন, জানোয়ারেরা অমন করে ভয়ে ছুটে-পালানো কেন ?”

মেঘখানা কাছে এসে পড়তে, অরবিন্দ ব্যস্ত হয়ে মীরার হাত ধরে প্রায় টেনে নামিয়ে এনে, ঠেলে শুইয়ে দিয়েই, নিজে লম্বা হুঁইয়ে শুয়ে পড়ে ব'লে—“বুঝতে পারছোনা ও মেঘ নয়—পাহাড়ের

ও:-বাবারেন!

ভড়-বড় সাংঘাতিক মৌমাছির ঝাঁক। নিশ্চয়ই কেউ ওদের চাক
ভেঙেছে, ওরাও বিষম রেগে তাড়া করে ছুটেছে। ওদের বিষে
রক্ষা নেই, তাই জানোয়ারগুলো পর্যন্ত ভয়ে পালাচ্ছে। চুপ
করে নিসাড়ে পড়ে থাকো।”

অরবিন্দের কথা ফুরোবার সঙ্গে-সঙ্গে মৌমাছির বিশাল
ঝাঁক—আকাশ অন্ধকার ক’রে—এসে পড়লো তাদের ওপরে।
জোর ভেঁ-ভেঁ! সুরে অন্য সকল শব্দ চাপা পড়ে গেলো। দু’জনে
তেমনি শুয়ে রইলো মড়ার মতো কাঠ হয়ে।

প্রায় পনেরো মিনিট ধরে মৌমাছির ঝাঁক আস্তে আস্তে
পেরিয়ে চলে গেলো, তাদের সেই একঘেয়ে সুর আবার ক্ষীণ—
অস্পষ্ট হয়ে এলো। মীরা আর অরবিন্দ উঠে খুঁজতে লাগলো
চাকর দু’জনকে।

একটু পরেই ঝপসি হাঁপাতে-হাঁপাতে ছুটে এসে বলল—
“জলদি আইয়ে হুজুর, লাল বন্দর হররাজ কো ঘিরা হায়।”

অরবিন্দ বন্দুক নিয়ে তার সঙ্গে ছুটে গিয়ে দেখলে, টিলাটার
অন্য দিকের গোড়াতে একটা খানার মতো জায়গাতে হররাজ
দাঁড়িয়ে আছে একটা বড় পাথর উঁচু করে বাগিয়ে ধরে, আর
সেই লাল বান্দরের দলটা—হাত দশেক ভাঙাতে—প্রায় গোল
করে তাকে ঘিরে রয়েছে।

দেখেই অরবিন্দ ওপোর-ওপোর এলোপাথাড়ি গুলি ক’রলো
তিন-চার বার, কিন্তু লাগলোনা একটাকেও। বানরগুলো

কাটাশুণ্ডের দেশে

তখুনি পালিয়ে গেলো। কিন্তু একটার দিকে দেখিলে ঝপা
চৌঁচিয়ে উঠলো— ওই ছজুর আদমি-বন্দর—আদমি-বন্দর।

মীরা ততক্ষণে ছুটে এসে কাছে দাঁড়িয়েছিলো, ভয়ে বলে
উঠলো—“ওঃ কি ভয়ানক, এখান পর্যন্ত পেছনে-পেছনে এয়েছে
কিন্তু আমরা মোটেই জানতে পারিনি।”

অরবিন্দ একটা নিশ্বাস ফেলে বলে—“এইবার আমার কথা
সত্যি কিনা দেখ, তোমার ওপর ওর যে স্বাভাবিক প্রাণের টান
পড়েছে, তাতেই সঙ্গে-সঙ্গে আসছে। এই অঞ্চলটা পেরিয়ে না
যাওয়া পর্যন্ত ওদের হাত আমরা কিছুতেই এড়াতে পারবো না।”

বাস্তবিকই, তার পরের দিন পর্যন্ত সেই বাঁদরগুলোর সাড়া
পাওয়া যেতে লাগলো। তারপরে তারা যখন সে অঞ্চলটা
পার হয়ে গেলো, তখন অরবিন্দ আরামের নিশ্বাস ফেলে বলে—
“আর ভয় নেই, এইবার তুমি নিরাপদ। এখন সহরে পৌঁছে
শীগ্গির তোমাদের এ্যাটর্নীকে লোক পাঠাতে বলো, কে জানে
ওরা বেশী দিন এখানে থাকবে কি না?”

—শেষ—